



江臯集序

同郡徐獻忠撰

江臯集者上海唐子世具顧子

汝脩喬子啓仁朱子邦憲所刻

雪竹馮山人詩也山人名淮字

會東華亭曹涇里人平生晦跡

林樾自高其志於世一無所慕



而獨究于詩寓遊應接一于詩
發之有子曰遷脩辭立行以君
子之道事山人山人以是無內
外累而俯仰自由故其詩多自
得之意不蹈陳跡而寫撰情景
多驚人語吳中賢達士聞其風
多樂與之遊往偕之名山川探

討名迹乃其意自屏於世甘澹
泊之分非好賢下士先委其情
者不之顧也近世名山人者余
疑焉攻其術藝以釣虛名遂與
世路抹擦陸沉而不返藝雖精
亦何取焉獨馮山人余謂其弗
媿于稱讀其詩樂道其人也山

人所藏稿餘千篇四子刪采僅
此六卷別有武夷荆谿諸稿已
刻不在是

江臯集卷一



雲間馮淮會東著

明皇遊月宮圖

廣寒宮闕帝王過天上風光此夜多
五鳳連翔輝宇宙六龍徐轉度山河
舞隨紫蓋群仙合曲按霓裳萬籟和
早遣真妃跨鸞去不教埋玉馬嵬坡

汎江和韻

酒榼詩囊手自攜扁舟疑入武陵谿
兩灘花氣人如醉十里烟蕪路欲迷
野水綠浮孤鳥外寺樓紅隔數峯西
誰家種得新楊柳便有黃鸝在上啼

與周青岡登大石巖用吳匏菴諸公聯句韻

清秋入山來試把殘碑誦開闢千載餘
題咏群公共舍策

攀危梯健步凌飛鞚林巒暝不分嵐霧午猶滃纔登落鴈
峯忽墮華陽洞品泉追陸羽開徑來二仲恰有素琴隨奚
必紅裙從仄磴踵難旋遙岑目堪送倒入太湖搖斜帶三
江控萬木咸帡幪諸山揔朝奉霞壁輝錦纈雨嶂滴鉛汞
薜荔牽幄帷蘿蒿亂機綜度壑人自驚綠厓獮亦恐搜冥
豈無門入深疑有術險絕乃天設穿鑿必神用龜趺固能
久鰲戴不知重低昂踞狻猊歆整壘瓊瓦化羊術未諳疑
虎箭須中如躍更如奔誰操復誰縱石梁丹閣騎紺宇翠
屏雍結構半齊梁鐫刻兼唐宋馬馱萬里經花獻諸天供
白鹿從何來瓊芝信非種松肪美而肥澗腴寒欲凍碧潭
見潛龍高梧待棲鳳枯枿戟喬柯流淙迸深縫罅漏莫可
補根斷無煩壅氣吞滄海長勢落青天空風高快孤騫日

暮息群動采真出巖扃談空集僧衆瑤笙隔嶮聞鐵笛何
人弄合赴隱士招應免移文諷慕久髮已蒼來晚心自訟
勝賞竟忘疲新寒易成鬬蟲吟笑何苦鯨飲嫌未痛清嘯
協宮商狂歌答鏗磬假榻雲泉菴清我平生夢茲將歷名
區憑誰給月俸

經故王雅宜石湖草堂

中有蔡林屋石湖草堂記

萬竹蕭蕭一草堂巋然風槩壓名邦高懷曠世人何在絕
筆凌雲氣未降林屋文章埋舊刻石湖烟雨暗疎窻些詞
歌罷空山下落日微鐘隔樹撞

除夕旅懷

歲登五九明朝是一事無成鬢已華四海有人能館我十
羊今夜不還家燭天何處飛紅燎滿地西風卷白沙為報

東君須着力先生打點看梅花

元夕宴陸儼山學士望海樓

縹緲飛樓凌紫霄風光絕勝廣陵橋燈連下界春星動月
到中天海霧消鶴駕影迴銀闕近鳳簫聲隔彩雲遙江湖
廊廟相忘地天上人間共此宵

和張銀臺后川遊西山二首

此境風烟別逶迤禁苑西水光群木動春色萬山齊花暗
巖前寺塵香柳外堤東風知客意一路送輪蹄

度澗穿林壑肩輿短叟便巖花飛雨辨坡竹走春鞭石側
憑雲抱苔香得麝眠酣歌下山去鳧鴈起平田

崑山道中和韻

隔竹提壺湯自啼行人已過石橋西江村酒薄嫌風急春

水船高覺岸低一路青山依舊好萬家黃柳斬新齊故人
遙隔滄江外望斷烟蕪眼欲迷

汎澱湖

湖上西風宿雨收挾僊同上木蘭舟東南綠接三江水天
地虛涵一片秋漠漠帆檣蕪斷鴈蕭蕭木葉下長洲酣歌
欲喚魚龍舞此日真成汗漫遊

月夜觀惠山第二泉

惠山山下一維舟踏凍觀泉到上頭雲破松根流玉乳月
明龍口噴金湫聲傳空谷含風籟影落寒潭倒斗牛欲汲
深清試春茗恐拋脰綆動潛虬

和荅朱天逸見寄

一春愁思渺無涯欲訴同心未有期半榻燈氈彈缺夜孤

村風兩閉門時形容憔悴山花笑踪跡飄搖海燕知大道
凶年何處覓感君為我歎多岐

和周山齋左丞五首

宴翠微閣

拂靄登山閣憑闌俯石淙竹鳴青玉珮樹擁綠油幢澗道
平臨屋烟霏細入窓詩成縱遐眺天際見長江

望靈巖

一望來吾感靈巖短棹前山川吳越地日月古今天香徑
沉荒草歌臺廢冷烟言旋重回首山勢更蜿蜒

望玄墓

亂峯青似染影落太湖深飛瀑懸樓角流雲出殿陰江山
千古意鸞鶴九霄心漢室懷司馬應求賦上林

望穹窿

木落千峯出天空萬籟聞飛流寒颯沓凝靄碧氤氲丹堊
輝新殿鐘魚隔暮雲相期拾瑤草我亦願從君

步園

杖屨穿林越香風拂袖微委紅花瓣小團綠菜臺肥蟲網
懸殘雨蜂房暎夕暉呼童理荒穢雲與鳥同歸

春興八首用杜韻

湯爾尋芳過遠林落紅如雨綠森森昨朝天氣今朝別三
日春光兩日陰渺渺樓臺千里目悠悠江漢百年心不知
誰弄花前笛悲似清秋月下砧

百尺樓頭坐落暉東風搖蕩酒波微平連綠樹江帆隱倒
掠青天海燕飛舊業尚餘長缺在初盟肯與故人違品題

欲盡登臨興激硯龍膏水正肥

風動綸巾整復斜翛然林下讀南華纏腰不羨揚州鶴縮
項偏憐漢水槎南國宴安誰學劍三邊嚴警不聞笳酒家
處處皆堪醉不待兒童指杏花

春來風日麗江山妙在憑高眺望間太白酒腸寬采石少
陵詩思隘潼關謀身不問雲霄路對客耻為桃李顏幾欲
裁書探蓬島肯容名姓列仙班

草堂開近曲谿頭門巷蕭條却似秋三月鶯花成曉夢滿
天風雨動春愁青山有地添新竹滄海無津放白鷗一飯
也知皆帝力幾回翹首望神州

世事真同局面基無端堪笑亦堪悲衣冠到處皆新式揖
讓何人似舊時雨積短垣花落早江寒草閣燕來遲同心

人在天涯遠月夕風晨幾夢思

戰破愁城酒建功平岡散步夕陽中竹枝拖地仍遭雨柳
絮漫天暫借風宿靄遠連千樹綠落霞低度半江紅誰言
沙鳥忘機久猶自回翔避海翁

丹山碧水共逶迤溪上風光似浚陂呼雨鶉鳩投別樹戀
花蝴蝶把殘枝鬢毛多為苦吟白志節肯因貧賤移生計
茫茫人莫笑五湖烟月釣絲垂

清明旅懷

人家祭掃各紛紛獨坐空齋思欲醺青嶂白雲游子淚冷
烟荒草故鄉墳慈魂不識關山路薄莫空將野水芹一段
傷心消不得數聲啼鴉又斜曛

五月望日過陸儼山東園見屏橋有作

山中嘉橘耐遲收，歷過冰霜暑尚留。
香液一杯仙掌露，黃金五月洞庭秋。
曾懷三顆談先世，解種千頭傲戶侯。
定與鹽梅進廊廟，湯勞神鬼護林丘。

登青龍塔

青龍已去浮圖在，老我重來興轉豪。
此日江山誰吊古，百年天地一登高。
烽烟不起中原靜，鶴鶴忘歸萬里翱。
長嘯一聲仙籟寂，欲將往事問方袍。

和周青岡禁體咏雪

同雲黯黯低欲墜，忽散飛花堆滿地。
天容萬里相蔽虧，山勢一朝增異巔。
雖云厚薄非世情，各就崇卑分地位。
田家時節慶春遲，臺閣陰陽著年瑞。
穿林拂水矜玲瓏，克壑填溝遮翫散。
或來梅畔聞清輝，或向棘端呈巧技。
炭獸方紅

湯自驕，冰山抱高奚足企。
竹爐火暖湯沸初，草閣寒多酒醒易。
疎簾半卷，衣欲濕，凍硯頻呵筆難漬。
霰維先集，豈無期，現見未消猶有伺。
灑入疎篁響更清，舞遇回風狂復恣。
羞明合與素娥交，畏暖多為青帝棄。
誤投厠溷，耻受汗偶入，凌陰漸賴庇。
消融無滓見天真，搏弄如沙笑兒戲。
飄零謬說竟何歸，林薄須知足餘積。
郢中高調苦難酬，笑折梅花附來使。

謝蔣地卿紅泉惠臘酒新曆

宿釀兼新曆，遙遙百里來。
展絨驚歲改，開瓮覺春回。
雪繭縱橫字，金波激灑杯。
拜嘉慚莫報，翹首望行臺。

孫山道中

春寒逗客衣，短轆度長隄。
雨小雲初斷，山高日易低。
人家

烟樹裏僧舍野橋西曲水人何在東風鳥自啼

和儼山遊覽六首

八月九日夜泊鳳凰橋

畫楫移來駐石橋倚蓬聽罷月明潮鳳凰已去丹山在鶴
鶴初歸碧海遙僧寺烟鐘偏慰藉酒家風旆亦招要懸知
一榻清宵夢半繞滄洲半 聖朝

晨登庫公山

漠漠烟嵐接紫霄直騎珂馬到山柵衝天劍氣蛟螭走滿
地文風草樹搖鯨海樓臺三島近鳳城宮闕五雲遙留題
湧爾輝巖壑未和淮南大小招

庫公却渡通波登鳳凰山絕頂

南山搖落轉嵯峨上相登臨此日過千頃澗湖秋水闊萬

家禾黍錦雲多天邊鴈影隨烟沒雲裏簫聲與鳳和世道
極知逢泰運海鄉無地不絃歌

過北簞觀舊題自西嶺步歸

北山千古枕江湄浪蹴諸峯勢欲移萬木槎牙霜落後九
霄寥廓鴈來時逢僧欲贈東坡帶度壑疑聞四皓碁日暮
盤遊下山去數聲仙犬隔花籬

青龍江汎舟

三江接海浪聲齊舟過青龍更轉西十里鶴汀荒草合數
家漁網夕陽低浮圖突兀形猶在戰艦縱橫事已迷吊古
傷今成湯興錦囊風月富新題

宿布金寺

入山無耐此清秋夜半還憑水上樓明月滿庭惟落葉老

禪歸棹不驚鷗消沉萬慮心如洗話盡三生病亦瘳未許
上公期結社好將勲業繼伊周

晨登虎山橋

初日蒼涼薄霧消登臨先試虎山橋飄凌欲跨青霄鶴縹
緲疑聞玉洞簫地簇亂峯西部隘天連秋水太湖遙吳中
勝槩都歸此不負經行一駐撓

登天平山同周青岡作

小憇山亭落照殘一池泉浸白雲寒風高萬壑松杉亂氣
爽千峯劍戟擯攬秀極知秋晚勝履危方信老來難憑君
莫話龍門絕留待重來取次看

登玄墓望太湖

鄧蔚峯頭坐清秋眼界賒樓臺諸佛刹禾黍萬人家迴壑

含風籟層霄落雨花山多湖破碎秋老樹槎牙波浪兼天
湧帆檣帶鴈斜遠公能醉我揮酒拂雲霞

飲太湖濱

湖面無風似掌平湖中落日亂山青清秋萬里望不極欲
駕星槎浮紫冥

桂花下對月鼓琴

小山南畔月華臨坐石琅琅弄玉琴天籟不鳴人語寂夜
烏啼出桂花陰

池上夜步

池上步清夜天空萬籟滅微涼動高荷垂露滴華月流螢
閃沙渚宿鳥靜林樾美人期不來幽興為誰發

和朱天逸九月十五夜翫月

笑傲渾忘少長年清秋池館坐瑤造黃花兩過重陽後白
鴈霜飛半夜前引滿欲吞滄海月漱酣遙憶惠山泉座中
莫話無車胤自有能詩孟浩然

見白髮

不道年來白髮生鏡中忽得兩三莖何人未老先秋色此
物無端也世情萌動旋者隨碧草掃除誰謂有黃精傷心
莫恠頻搔首萬事曾無一事成

過周青岡舟中有作

坐待寒潮去棹遲前村啼斷午時雞帆開野渡孤烟外人
在橫塘十里西雨濕芙蓉江色淨水漂菰米鴈群佐玉山
也識佳期近妝點秋容待品題

元夕風雨感懷和韻

看燈空憶去年遊此夕傷春似感秋十載江湖還作客滿
天風雨獨登樓故人已負三元約佳節難將一醉酬况復
海鄉荒歉後萬家寥落不勝愁

呈顧未齋諭德

玉出崑岡本國琛價高安足論南金立朝惟秉清忠節進
講常懷諷諫心春載畫橈瀛海闊夜吟紅燭玉堂深 聖
明已識調元器定有 綸音到翰林

春日湯興和沈西隅韻二首

清江一曲抱村居白日閑心轉覺虛荷鋪湯移鄰舍竹染
毫聊答故人書苔衣雨濕新花徑燕壘泥香舊草廬欲向
滄溟問三島俗緣猶恨未全除

開歲陰晴幾變更沉沉風雨過清明桃花更有誰家在江

水新從昨夜平書榻護雲緗帙潤茶爐添火雪濤鳴鳥聲
偏到春來碎恠得西堂夢未成

吊朱天逸墓

孤墳寂寂枕江城未拜松楸淚已傾夜雨何人還夢草東
風隨處有啼鴛廿年交道三更夢一束生芻萬古情獨立
斜陽信悽愴落花時節吊先生

夜宴劉順菴宅和石川韻

閑居遠塵俗城市有仙家堂展春風席谿留碧漢槎飛觴
搖竹葉歌扇拂桃花謔翦紗籠燭秉徊待月華

金浚江席上和韻

四月麥秋天氣清西堂樽俎故人情一年花事驚初盡千
樹綠陰看漸平墮釣谿鮮仍貫柳隔林啼鳥解調笙陰晴

半日留人兩斷續誰家打麥敲四座分題誇勝集百年行
樂歎浮生酣遊老作高陽客白戰嚴於細柳營萬國已安
鸞駕返斷橋不渡野舟橫沙鷗浪跡江湖大海鶴離群字
宙輕往事茫茫春曉夢交情淡淡歲寒盟浩歌扶醉還分
手野寺昏鐘又報晴

龍江春望

東風卷地陰霾收躡屩散步龍江頭江天一望渺無際開
我胸次并雙眸行雲飛鳥自今古來潮去沙無春秋蛟涎
噴出烟霞窟蜃氣幻作神仙樓名人利客涉險道風帆浪
楫橫中流桃花村村落紅兩楊花處處滾雪球潦倒韶華
逐波逝反覆世道如雲浮有人意氣吞海嶽胡為偃蹇留
中洲水宿風餐聊復爾綸竿未拂珊瑚鈎斫地高歌動神

鬼仰天長嘯空王侯綠鬢朱顏信飄忽飛鳥走兔無停留
立勛奚用勒鐘鼎尋仙豈必登蓬丘願借此江作春酒會
須一飲三千甌破我萬斛平生愁便學劉伶荷鍤狂便作
李白騎鯨遊傷今慨古獨延佇半江落日水悠悠

和石川廬居二首

宰木連雲已十尋穹碑特立大江濤風烟漠漠千行淚天
地茫茫萬古心落月啼烏春夢短東風巢燕草廬深

廬人以
為孝感孝名已達宸聰久行見旌褒下玉音

江水助哀常帶兩山雲凝慘不開晴堂虛忽見冠裳影木
靜猶聞磬效聲時有一龍吟大壑可無雙鶴吊佳城瓣香
老我心徒切十里春蕪一望平

和答張海西

鐘鼎從渠自勒功乞歸高卧草廬中謬論少室山人價綽
有柴桑處士風垂雨晚禾當戶白着霜秋葉滿庭紅籃輿
我欲頻來往看竹還須問主翁

江閣晚眺有懷海西用韻二首

賦就登樓半酒功風光收拾醉吟中鳥飛落日三江水葉
盡高林一夜風作客鬢隨殘歲改背巖花借小春紅異鄉
風俗如雲薄獨挽頽波羨海翁
點抹清秋造化功行雲飛鳥畫圖中隔汀暝色薰葭雨吼
地寒聲鶴鶴風萬里天空湖水白半山雲斷寺樓紅眼前
好景題不得欲問浣花谿上翁

菊枕

金錢十萬擁牀頭冉冉寒香四壁流老眼添青真有驗絲

華回首揔成浮高臺雲雨他家夢短髮風霜我自秋昨日
醉眠猶未起南山兀兀草堂幽

夜宴陸儼山宅

湯造瀛洲鸞鶴班瑤笙縹緲碧雲間風流不減謝安石詞
賦真許庾子山酒蟻綠浮瓊碗細燭花紅落畫屏閑池臺
况有芙蓉月沉醉何妨半夜還

黃浦發舟

黃龍浦上潮初發人語喧喧竟放船半餉風帆飛鳥外萬
家烟樹酒杯前茫茫世事無休日忽忽人生有限年老盡
往來名利客行雲流水只依然

得諸止山書

君登萬里途一去無消息兩度經鹿臺逢人問行跡茫然

人不知東西復南北歸來見素書恍若夢中得一讀一愴
然不覺淚霑臆人生苦別離世故多變革昔為比隣居今
作江海隔飛鴻雪正深浮萍浪還擊清宵耿耿懷滿地秋
月白

四時宮詞

餘寒猶宿舊羅幃春淺春深問阿誰却恠宮墻楊柳葉也
將新綠妬蛾眉

蜀葵開過海榴開紈扇團團湯自裁風動芭蕉影窓綠回
頭錯認翠華來

囊橐寧無買賦金相如無地可招尋秋來只有青天月照
見長門夜夜心

永巷冰花歷亂飛南宮歌管導龍旗寒梅自合花開晚敢

怨陽春見面遲

贈茅山張道士

白雲仙子住青山縹緲樓臺紫翠間
海宇秋風騎鶴去石田斜日采芝還
長林細雨楸枰濕流水桃花澗戶閑
聞說茅君高跡在何當補履一躋攀

登上方山兼簡友人

抱病登臨興不孤山多勝處酒頻呼
千重積靄疑天姥萬樹飛花墮石湖
卧石醉人黃鳥喚倚空危塔白雲扶
同遊不見同心者勿訝奚囊好句無

三月七日夏南坡招飲

三月江鄉天氣新草堂張酒宴嘉賓
十年不到如生路一笑相逢揔故人
燕子出巢花巷午龍孫滿地竹林春
憑君

莫話無供給自古斯文意味真

五十自壽四首

湯將行跡寄江坳野鶴閑雲揔締交
浪事神仙難換骨旋添籬口未成巢
防身有託准孤劍於世無裨等一靴
自笑老來狂轉劇判教官長罵還嘲
平生揮灑有深緣筠管摧殘鐵硯穿
萬里江湖未歸日五旬天地始衰年
碧山花鳥看春酒青海鷗波載月船
但願潔身完白璧不消遐笑等彭錢

倦拋緇帙與桐絲高枕山齋白晝遲
閱世旋隨雲物改投人難免夜光疑
囊空不惜千金散心曠常從萬古馳
無地排雲叫閭闔相如有賦亦奚為

臨風篔簹展湘筠淨當暑衣裁越苧
織詩不直錢吟更苦髮

唯公道白何嫌半生碌碌俱成夢萬事茫茫未可占獨恨
蹉跎報知己每瞻雲樹一掀髯

八月十五夜與封鈍菴對酌

活煮江鱸帶紫萸流膏滂餅亦時新不妨今夜無明月最
喜相看有故人千里江山正搖落百年詞賦獨精神中秋
不是元宵節恹恹紅燈萬戶春

是夜田家
竟迎神燈

送陸儼山提學兩湖

自山西復轉兩湖

國子先生道獨尊中朝人物更誰珍天教木鐸行滄海風
送 綸音下紫宸阿閣竟須歸鸞鷲南州且喜見麒麟淳
風變晉仍移越德澤養賢兼濟民治道不煩憂 聖主柄
文端合任儒臣蛟龍渴望江東雨桃李須同天下春投分
自慙叨未契送行馬敢後芳塵離筵落日重呼酒畫鷁隨

沈不問津地吼北風馳馬徒沙明殘雪易袍新旌麾滿道
飛烟外冠蓋連雲餞海濱黃浦波濤偏浩渺錢塘草樹亦
精神題詩刻石應尋豚載鶴遊湖豈厭頻千古江山佳麗
地百年詞翰玉堂人相隨驥尾空馳慕欲寄魚緘未有因
韓已多情戀東野李能無句贈汪倫春風賸有吹噓意莫
放寒江老白蘋

石川有臺薦之報投詩見示和韻往賀

江部苦幃枕白沙東風三見落梅花遙聞臺憲交章薦不
隔天門萬里賒商鼎有期歸傳說龍泉何必問張華巢廬
奇事四海流芳詎有涯

少峯北上

愧乏龍泉一贈君芙蓉聊采碧江潯相逢山海他年約一

別雲泥萬里心
星月秋槎銀漢遠
烟花春閣禁垣深
勉旃
勛業須今日
側耳長風候德音

壽許友桐

蒼髯白髮紫綸巾
風度飄蕭自脫塵
不飲謾題賒酒券
有琴還待賞音人
寒氈歲月家仍舊
春草池塘夢轉新
昨過山中探消息
老梅冰雪更精神

元旦和韻

清曉開門思渺然
聊憑筆硯弄風烟
佳人不到鱗鴻信
白髮頻催犬馬年
宿靄山川虛檻外
東風花竹小堂前
江鄉水旱無煩卜
帶雨春潮欲上田

新正三日過李筠谿看竹二首

萬竹陰陰自一家
無邊風月為君賒
淇園已信能栽玉
金

谷從教解種花
高拂斷雲千葉亂
倒拖殘雪數枝斜
晚來一抹青烟起
知是山童煮鳳茶

叢篁深處有人家
載酒相尋路不賒
烟葉恍疑翻翡翠
風姿真合近梅花
籜遺寒谷經霜脆
鞭走春泥礙石斜
重約明朝雷雨後
共君燒筍試新茶

元夕風雨有作蕪簡諸止山

短劍霜鉞脫未曾
新年華髮任渠增
樓臺有地還呼酒
風雨無端故打燈
天遠同心真落落
春寒病骨正稜稜
梅花滿地難收拾
袖手危闌獨自憑

和荅周青岡三首

世道不復古
反覆無馮依
總有千丈繩
難將繫斜暉
于焉增感慨
秋燕何飛飛
天地雖自寬
此身將安歸
荒歲難寄

食茹蕨聊克饑丈夫豈無淚敢為無益悲

不羨烹列鼎不慕乘高軒但願得纔豆居然坐丘園胡今
走碌碌旅食食風烟食雖不克口聖道還自研窮達本分
定順受復何言糟糠竟不厭猶喜山妻賢

冰絃不常整酷似無絃琴世人愛新調誰愛太古音鍾却
去已遠賞家卒難尋棄捐勿復道對酒還自斟願言託君

子終始無二心

和劉南坦尚書留別韻

湖上逢元老高情愛野人自憐知己寡敢謂白頭新愧乏
少陵句難傳太白神明年須載酒同醉峴山春

垂虹橋晚步

時同遊王仲山將赴廣東僉事

飛梁成複道挾伴此閑行落日胸前盪長虹足底橫鴈隨

蒼靄沒湖帶斷霞明有客憑虛立應含萬里情

登穹窿

躡磴攀蘿棄短輿登臨此日興何如四郊花氣連晴靄萬
頃湖光動碧虛竹靜有時聞梵語雲深何處覓仙居摳衣
北望三峯拜却立斜陽思有餘

靈巖

踏遍層巒日未晡解談遺事得樵夫千年古殿餘荒址一
箭飛流入太湖豔貯西施仙洞在醉眠羅漢白雲扶墨池
好澌如椽筆掃石題詩了舊逋

探獨芳上人

不遇
駐楫叢林試一登方袍不見舊時僧花深已失曾遊徑樹
老多纏欲斷藤報客青山誰放鶴扃門白日自傳燈千峯

踏遍天將暮飛錫不歸雲萬層

輓施樵雪

落落晨星感故人此翁那忍又離群
過江幾度勞尋我化鶴何年得見君
林壑無人樵白雪山堂有地宿寒雲
天涯浪客遲來吊翹首安亭悵夕曛

赤壁圖

白露橫江水接天洞簫聲斷鶴翩翩
不知赤壁磯頭月更照誰家載酒船

江臯集卷一

江臯集卷二

雲間馮淮會東著

春興用李西涯韻

平岡迤邐接平坡躡屩尋芳取次過
春晚江湖歸鴈盡夜來風雨落花多
水村漁舍兼楊柳山部人家半薜蘿
往往相逢皆醉客先生其奈獨醒何

過布金寺有感

白髮重來五載過風光不似舊時多
斜陽古徑紛樵牧積雨頽垣長薜蘿
門柳不維支遁馬池波還浴遠公鶩
開山歲月殘碑在蔓草蝸涎奈爾何

厓山忠節二首

風濤何處泊龍船行在那堪日播遷
南渡未成恢復計中

原又見清康年已知無力能擒虜不死何顏共戴天欲吊
忠魂頻送目廣南斜日暗荒烟

一白野狐登御牀戰塵日日起龍荒直驅中國驕胡騎空
戴南冠失宋王大海無神援墊溺長鯨有腹葬忠良爽靈
猶抱厓山木常吼陰風恨國亡

觀燕巢有感

冒雨為巢止復飛烏衣香染落花泥汝能不厭茅簷陋何
愛年年借汝棲

別周青岡和韻

將家我南去買棹君西歸于馬不忍別落日杯尚持交游
何所重重在能相知相知從此別此後知我誰天何間吾
友不使恒相隨我何生不辰鬱鬱逢百罹日夕不少安夢

亦涉嶮巖休嗟為時棄貧賤親戚離而獨守歲寒終始心
不移願子能立身必為世所裨伏驥思遠道棲鳥思高枝
丈夫貴後名豹亦留其皮持此告吾子詎肯為夸毗語罷
竟分袂雲山渺天涯

寄顧未齋閣老

天於聖代生良弼鳳集高岡見羽儀報國寸心元自許
擎天八柱讓誰支金鑾賜宴丹霄近紫閣垂簾白日遲十
五年前風下拜傳霖終慰野人私

訓張海西

未脫君王舊賜袍老懷不減少年豪常傾赤日葵心在直
繞層霄鶴夢高秋載畫橈浮碧海夜眠雲壑聽松濤清詩
不惜頻投我歌咏令人爽骨毛

喜兩用韻

滿堂涼氣入秋袍急雨催詩助興豪雲合忽疑天宇近岸
吞方見水痕高江雷動地隨飛電瓦溜衝風撲駭濤從此
三農俱有慶八荒膏澤潤田毛

秋懷和谷海西

新題往往寄同袍自入秋來興轉豪木葉下時寒露早野
雲飛盡碧天高橫風欲借三山鶴渡海還防百丈濤莫笑
狂生健揮灑中山兔已銳霜毛

八月十五夜無月用韻

小窓紅燭照青袍興不如前兩夜豪對酒却嫌風味薄卷
簾空待月輪高隔谿螢影流疎竹入樹風敲吼怒濤借問
嫦娥在何處任教烟雨暗如毛

與尤秋亭夜酌用韻

湯道詩成得繡袍郊寒焉敢敵韓豪我無虹氣橫天遠君
有龍光射斗高月色入簾欺短炬竹聲當戶撼驚濤却慚
飲量從來淺令出飛觥欲豎毛

與尤秋亭金浚江攜酒過金碧巖催菊用韻

不速三人總白袍携壺催菊興偏豪主賢何厭客來早花
晚不知秋已高鰲鱗正肥克野饌芙蓉雖好隔江濤殷勤
更把花神酌覺得微馨韻布毛

十月一日賞菊用韻

簇簇黃花擁醉袍看花四座列群豪樽無北海休嫌淺句
有南山始見高十月忽驚空草木一秋還喜不風濤主人
興長斜陽裏更遣山厨進澗毛

與金碧巖載酒江上送陳槐軒用韻

十月如春欲換袍詩懷翻為送君豪帆檣帶鴈江天遠臺
殿連雲野寺高別酒不堪催落日歸心無奈逐飛濤重逢
此後知何地莫遣音書滯羽毛

月夜獨酌

滿地西風白霧收早寒偏透鷓鴣裘鴈催霜信仍南國月
近人情已半樓自笑江湖成落魄且憑詩酒弄清秋悠然
獨酌還須醉未必新豐滯馬周

周良輔見過有作和答

看竹人來歲已闌雪晴雲散野塘寬王猷興到放舟遠陶
侃家貧款客難墟落風高霜葉盡渚田冰合鴈群寒一樽
賴有壻頭酒聊盡斯文半日懽

高西樓見過

交情方險巖世道今古隔賢哉西樓翁古人求弗得內交
三十年老至心不易遠勞慰索居放舟來水北春風被草
萊清輝耀泉石奈茲室倒懸焉能治者核溪魚不受釣園
蔬未堪摘賴有過壻醪醉我忘懷容相對各不寐笑談乃
通夕愧冰流水音叨受鍾卽識願言報知己無地求尺璧
離懷苦未舒復挂南浦席一望一愴神雲間九峯碧

壽張海西用韻

十載滄洲居萬里丹漢隔江鷗已無疑塞馬還自得春秋
野外史日月林頭易戢鱗今海西空羣曾冀北蒲輪待申
公綦墅戀安石繼志有鳳鷁延年得樾栢庭閑草不除樓
高星可摘忽報降誕辰宵至稱觴客青鳥來何方長庚爛

當夕鶴筭固未涯
船背疇能識餘暉
夢來榆至寶砂金壁
願結歲寒盟
常侍湯餅席一歲一登堂
南山轉增碧

二月十三日雪

兩日江村酒禁賒
竹爐湯熟試新茶
兒童不解春纔半
報道門前落柳花

江行

踈踈細雨夕陽殘
十里鷗波一棹還
江上亂峯青似染
分明看取畫中山

和荅金友蘭見寄

旅食江湖變歲華
旋添白髮正堪嗟
浮雲終日悲游子
流水無緣遇賞家
去住且憑沙上鳥
勲名却與鏡中花
殷勤賴爾能相慰
直遣雙魚到海涯

寄戴求巖用舊韻

去年海上頻相見
一別俄驚改歲華
鎮日停雲思舊雨
扁舟載雪到誰家
烟江漠漠黃龍道
月浦茫茫白鳥沙
縮地無由成契闊
海棠開過又梨花

與姚西郊携妓汎江

倚棹紅妝影綠波
淋漓春酒濕春羅
人生此樂不常有
塵世得閑能幾何
江燕掠舟窺妙舞
野鷺啼樹吞嬌歌
品題莫恠難揮筆
種種風情入眼多

秋懷三十四韻

抱膝長林下
茫然有所思
神龍方離窟
適須宮誕詔
東丹鳳未鳴
岐野渡空舟
楫烟波有釣絲
行藏三尺劍
聚散一枰碁
不作窮途笑
能無壯士悲
文章猶未濟
問學苦無涯
技笑

棘端巧才諄天下奇巖陵高節在諸葛大名垂東逝黃河
走西顏白日馳世途多輾軻名教強支持髻旋隨秋改家
仍與歲移謀身惟筆硯為客幾裘絺繞樹憐烏鵲安巢想
故枝醢鷄何足道蕉鹿最堪嗤風月青藜杖乾坤白接羅
登高千古興行樂百年期海闊雲飛遠天長鳥去遲三山
在何許一葦欲航之不焚山中鶴曾吞夢裏龜食霞春復
返弄月夜忘疲虹吐歲書屋花香洗墨池白看湖上雨涼
夢竹間颺取醉愁還破聽琴坐不辭鴈飛湘浦外木落洞
庭湄叢桂淮南曲秋風漢武詞先憂還後樂履坦未忘危
閱世眼宜白逃禪衣欲緇乘除元有數造化本無私放浪
今由我通津更問誰故人應不棄垂老却何裨冰雪松筠
性山林虎豹皮天清蒼隼健江冷白鷗饑燕子仍相別桐

君只自隨凌虛望不極風物正淒其

夜泊穹窿山塘

輕橈薄暮抵山塘樹底開樽坐晚涼萬頃湖波天漠漠亂
山烟樹月蒼蒼小橋野店留行客急管繁絃但舉觴岸上
誰家遊冶子踏歌偏助老夫狂

九日周南汀見過

美人移棹過滄洲冷淡芙蓉也解留萍水相逢俱是客江
山此日共悲秋思歸老我羞彈鋏抱病憐君怯上樓不飲
恐教花亦笑強隨年少戲藏鉤

十三日過南隣夜歸用韻

芙蓉花隘白鷗洲歸興雖濃且暫留萬里銀河垂碧海滿
船華月載清秋狂歌醉客還呼酒悵別佳人定倚樓猶恐

寒光犯牛斗夜深安敢弄吳鉤

贈李靜軒

萬事等雲浮安心不外求乾坤多野馬江海一沙鷗琴趣知元亮歌聲獻許由無端被春鳥啼破此中幽

秋夜與諸止山飲陳九峯宅

千載德星會高堂夜宴開愁隨積雨斷月與故人來秋影梧桐院風情竹葉杯有詩題未得還讓少季才

寄雪窓上人

憶別袞袞十載過中間消息竟蹉跎地分南北烟江闊夢繞樓臺月夜多蕉葉深雲猶在否石窓吟雪更如何投詩擬約重團社莫笑馮唐鬢已皤

壽周秋汀

南越歸來雪滿顛功收化雨作龍眠一區花竹依山宅二頃烟桑負郭田詩律精深閑裏得風情飄逸老來偏扶藜不用鳩頭杖買醉常留鶴背錢頌 詔朝廷優老日懸弧時節小春天高堂錦席飄歌管碧水秋汀駐釣船戲綵兒孫皆玉樹稱觴人客半貂蟬脩齡直與莊椿等八十從今到八十

冬日雨中言懷和韻

敝裘寒近欲增綿歲晚風光正索然茅屋坐來連日雨竹爐茶熟半窓烟鏡中綠髮非前日江上寒梅似去季漠漠行藏何必問且將生事託羊鞭

喜雪

冰花入臘故飛飛舞態欹斜復整齊閉戶不知山色換隔

江遙見竹枝，位避寒汀。鴈晴初起，協瑞林鴉。夜不啼里巷，
兒童今有識。明年薪米賤，如泥。

安谿館中

安谿一別幾星霜，親舊驚看鬢各蒼。舉目江山雖故國，關
心妻子尚殊方。酒當縱飲愁還破，賦到登樓興自長。莫話
江南與江北，浮踪覺得半生忙。

吊闕泮西墓

再拜松楸思欲迷，北風吹淚灑蘿衣。青山寂寂人何在，遼
海茫茫鶴未歸。鄉里典刑前輩少，江湖落魄更誰依。傷心
佇立吳淞上，滿耳潮聲送夕暉。

遣興和韻二首

晨鷄啼斷暮鐘催，留滯天涯十稔來。遠道風塵孤客劍，小

樓燈火故人杯。旋添老態蒼浪鬢，無補明時襪線才。更有
不堪翹首處，夕陽高樹鳥飛回。

分付催歸且莫催，旅人猶未話歸來。乾坤浩蕩家何在，江
漢風流酒一杯。倒載每同山簡醉，登樓愧乏仲宣才。防身
短劍塵埋久，湯向樽前舞一回。

宮人穿針圖

高梧涼生秋意早，此夜深宮何悄悄。湯把金針對月穿，那
能乞得天孫巧。穿針復穿針，針不穿子愁更深。長河漸落
星漸沒，流螢自照愁人心。

封鈍菴至

短屐鳴空谷，閑庭損綠苔。清風何處起，舊雨過來手。美
秋蘭佩心，傾濁酒杯。相看各憔悴，徒惜子雲才。

次夜兩窓小酌用韻

寒蟬依徑草落葉下庭苔信宿吾能款空山爾獨來草堂
風雨榻紅燭淺深杯湯續韓公句慙無孟老才

送允秋亭應試南都

片帆遙指石頭城此別驚看意氣增萬里晴明秋殿月廿
年風雨夜窓燈牀頭寶劍通神久江上青峯入夢曾莫訝
長公淹太學明年春榜待同登

代友和酬楊前峯四首

兩鄉心事不須陳各重承顏報主身文字殷勤交道古江
湖浩渺別愁新寒芒正掩牀頭劍綠髮猶憐鏡裏人見說
西堂頻夢草也應分我半池春

僻住吳淞江上村過從無客懶開門閑窓白日書千卷小

閣青山酒一樽樹底敲碁回鶴夢石邊移竹動苔痕何因
得見楊夫子細雨青燈對榻論

千載關西見華胄風神如水照人清曲江共醉他年約南
省聯鑣此日情未辦新篇酌海市忽驚佳句擲金聲九峯
遙隔烟雲外幾度因君刺眼青

萬里雲霄有壯遊慙予筆硯未能投兩深籬落黃花老霜
冷闕河白鴈愁東海潮通雙鯉信前峯月照半江秋憑君
莫話前程事浮世功名捻繆悠

賀友人續娶和韻

重聞伉儷結新緣杯酒交懽醉管絃此日跨鸞風不減昔
季炊白夢誰圓花開仙洞今如昨雲度巫山斷復連最喜
獨耕烟雨裏有人攜榼餉春田

燈花和韻

殷紅原不待春酣好事無端屢應占保護誰家圍錦障動
搖今夕近風簷從來戲蝶皆歸夢笑殺飛蛾苦附炎飽澁
蘭膏更增采不妨深夜月窺簾

雪江

滄江歲晚雪離離萬里川原一望迷凍鳥不飛山色換同
雲欲墮海天位人家茅屋梅花外僧舍茶烟水竹西千載
有人還獨釣柳州詩句復誰題

草亭

突兀江臯一草亭水光山色動虛明百年風月誰家是四
海乾坤此處清樹密儘教添鶴口花深不隱讀書聲太玄
莫道無人草却笑楊雄浪得名

虎丘與諸止山聯句五首

卧石分明有劍痕千年王氣未成塵干將已化光芒在風
雨蕭蕭泣鬼神

右試劍石

嶰谷遙分半畝雲即看鸞鳳動成群山中鎮日紛車馬若
個能來探此君

右君子堂

俯澗偎巖亭子幽春寒二月忽驚秋當時說法人何在風
雨年年石點頭

右可月亭

飛閣凌兢枕北山不妨倦足更躋攀開簾木末留雲卧閣
酒峯尖看鳥還

右千頃雲

湯投脩綆汲深清帶月分來入夜鉗陸羽當年輕一試至
今名品讓中冷

右第三泉

題畫二首

虛亭瞰流水秋林明夕暉藤花落滿地主人猶未歸
松風掃虛亭塵蹤遠林麓幽人采藥歸乘涼展書讀

和周青岡村居四首

不負幽棲志江鄉自有期風烟疑灑曲耕鑿似堯時寺遠
鐘聲細林深鳥夢遲懶雲飛不起一任好風吹
長林隨鶴步脩竹與僧分野唱和春鳥隣春隔暮雲開門
山突兀望野氣氤氳更羨攜兒女繞籬吟夕曛
將家何所住住在北虞村竹密仍開徑花深不閉門林眠
風白晝谿步月黃昏我欲尋高跡何時載一罇
閑居絕塵想野性轉踈慵砌綠侵荒蘚簾青入遠峯朝
廷真有道邊塞久無烽世運逢今日何妨學務農

贈陳東樓

高架危樓水部東主人棲跡半空中天留黃鶴江山老地
接滄溟宇宙空玉笛聲飛楊柳月翠簾鈎蕩杏花風慙予
耳熟元龍久未得登臨一笑同

過雲谷禪房

剡棹空回又十年十年剛得一叅禪入山自謂非生客結
社何當了勝緣林日動搖晴樹影竹風吹斷午茶烟別時
自有鐘聲送破戒無煩出寺前

東湖卷

東湖聞說勝西湖想見高居入畫圖天地不分春水闊風
烟無際草亭孤鈎簾白日看飛鳥鳩社滄洲覓釣徒擬買
樓船載春酒為君一醉了詩逋

素扇

閱盡炎涼只澹如湯將潔白以瑤琚增輝不用千金畫長
價曾勞五字書玉塵望風還避我冰山傲睨且從渠獨憐
一把清癯骨消得人間幾卷舒

八月十七夜汎江和韻

沉醉南樓兩夜過吳淞江上復酣歌清光漸少從他減餘
興難降奈我何野霧白含沙樹遠水風涼入苧袍多歸來
斜月催雙槳搖碎玻璃萬頃波

秋夜話章南村和韻

八夜長風攪四溟破愁權借酒為兵心闕廊廟空勞熱坐
老江湖暗自驚屋帶淺沙潮蹴檻舟橫荒浦月臨城商歌
一曲揮長劍却愧飄蓬過此生

和沈練塘四首

行路休歌蜀道難出門便有太行山功名謬把金錢卜鏡
裡花枝未易攀

右竹枝詞

曾挽長條過短亭東風又見幾回青妾應不作風前絮即
豈終如水上萍

右柳枝詞

自入春來少晏眠摘桑春曉拂林烟茫茫不問蠶荒熟二
月新絲已賣錢

右采桑曲

摘花莫摘鏡湖花湖上摘花多小娃幾度蘭橈維不定水
邊楊柳受風斜

右采蓮曲

八月十二夜對月懷青岡

清夜思君子魂飛繞玉山高江不可涉明月若為攀客思
層霄外秋聲萬壑間髣毛當此夕贏得幾莖斑

十四夜獨坐有感

觸感停杯酌坐看清夜徂勳名還華硯踪跡况江湖露重
秋如洗天空月轉孤笛聲聽不得長嘯倚高梧

十五夜步月谿上

扶醉踏谿月月光如水寒沙明螢火細天白露華團搗練
聞砧杵飛鴻見羽翰浮雲莫相妒人世幾回看

再和諸止山三首

十四夜南樓望月

月出東溟上天高氣轉清雖無十分滿何損萬方明落落
交游念悠悠江海情樓頭常過鴈今夜我偏驚

十五夜步月谿上

涼宵谿上步華月伴人行天地中秋景關山此夜情風林
飛鵲繞江笛卧龍驚忽湯傷今古陰晴幾變更

十六夜值雨

不見青天月持杯亦自愁烽烟連北塞陰雨接南州莫問
銀河路深歲夜壑舟茫然無限意搔首獨憑樓

壽楊漸齋

曾向天台作宦遊老成儒雅受風流龍山萬古烏紗帽采
石千年紫綺裘閱世好同雲過眼歸田何待雪盈頭誕筵
日永貂蟬集壽酒春濃琥珀浮四面花迎鬪袖舞半空雲
遏繞梁謳醉來便欲呼黃鵠萬里相侔碧海秋

和荅王前峯見贈

卜築前峯有歲華高槐門第帶山斜迂俗駕花湯洞船
坐宮袍月滿沙暫脫風波歸宦海浪傳龍虎得仙家遙思
天上恩榮地合殿金蓮夜賜茶

得孫湯賦

山堂昨夜卜燈花忽報生孫亦可誇未老不妨稱大父無
傳端合笑貧家敢期巢閣隨鳴鳳且看塗窟學染鴉試典
春衣沽一醉却忘身世是天涯

初夏感懷

莫怪人生髣髴易華西飛白日疾於車數聲鶡鴒愁邊鳥三
度薔薇客裡花鄉夢依稀如昨夜田歌款乃是誰家小窻
睡起無聊賴猶喜兒童解進茶

和陸儀部五湖牡丹歌

扁舟百里來尋芳東風一夜何顛狂千葩萬蘂淨如掃此
花獨殿春之陽錦幄重重爛文綺骨相由來自華靡根生
五色恐浪傳闌粧百寶徒云侈潘家池館真丹丘風枝露

葉矜嬌柔窕渥曾遭檢紅手品高合貯歲春樓脂韶着來
深復淺嫣然不似桃花面方憐雨後疊層霞莫遣風前飛
一片黃荃寫生應未如瑪瑙盤映珊瑚枝巧笑微開一檀
口遠看失却雙蛾眉月明昨夜階前立種種風情偏戀客
不妨終日默無言舉世紛紛重顏色鬪艷爭妍各未已姚
家有黃魏有紫一枝窈窕護輕烟玉人隱見紗窻裡花前
有客傾金杯好懷常對好花開酒醉還憑鳥呼醒詩成何
待雨來催吳中有種今稱盛不數洛陽當日勝耐賞春深
軒重臨飽看日落闌猶凭買栽有地大家春也知雨露天
能勻豔姿自詫傾城國餘香不惜分以隣君王帶笑看未
足更把金盞薦華屋未容玄鳥帶泥銜湯許金鸞傍花宿
品花能賦推何人陸機負才清且新陽春調高和彌窻詩

箇欲報俄經旬憶昨相期幸相許歲歲看花當穀雨錦囊
投滿百篇歌與君重訂歐陽譜

橋南卷

卜得幽棲愛隱君市橋南畔草堂新野花朱雀吟筇月官
柳黃鸝酒幔春駐馬可無題柱客泊船常有候潮人索居
愧我離群久一抹風烟入夢頻

登虎丘塔

浮圖突兀倚層霄扶醉躋攀不憚勞自笑老來雙倦足也
隨年少一登高目窮天際空江海唾落林梢犯羽毛霸業
興亡何足道直饒詩興一時豪

聽鶴樓

高居出塵表縹緲立湖頭雲淨鶴鳴野月明人倚樓清音

流碧海餘響落滄洲羣籟一何寂長空萬里秋

菊逸卷

金錢十萬擁籬旁買得南山結草堂有酒重陽常自醉無
官三徑不曾荒摩挲風韻兼松月採擷寒香帶鴈霜天上
春光緣分淺碧桃紅杏自成行

八月十五夜翫月感懷兼簡同志

一片中秋月令人感慨頻江湖寒色早天地客愁新簫鼓
不八耳鴈聲偏近人同心限南北此夜各傷神

題扇

亂山烟樹纍纍屋極浦風帆渺渺舟人在石梯危處立夕
陽千頃洞庭秋

買臣圖

斫破千巖萬壑秋功名終向擔頭收白雲自是無情物不
掩當時去婦羞

挽月潭上人

鶴唳猿啼挹怨聲月沉潭底冷如水茗甌不復同清話蓮
社那堪失此僧半榻白雲迷短夢一龕秋雨暗殘燈葛洪
川畔須相見記取佳期石上曾

贈張秋汀

卜築汀洲學釣翁秋來選勝幾家同采蘋有客來江外問
竹何人過灤東沙樹月明歸獨鶴渚田潮落下羣鴻誰言
晚節風光淡繞屋芙蓉爛熳紅

玉舜和陸儼山韻

過客何曾為駐車世情誰不愛絲華且同薜荔爭秋雨敢

與芙蓉奪晚霞小巷西風開寂莫疎籬落日委泥沙從來
潔白為時忌總是無瑕亦有瑕

九日陳梅莊席上歌少陵牧之二詩因用其韻

故人相見百憂寬樽俎留連半日歡自笑庸才甘落魄莫
言清世盍彈冠西風澤國芙蓉老落日江湖鴈鷺寒惟得
論交增感慨兩雲多付掌中看

琴調悠揚野雉飛歌聲縹緲拂雲微欲酌益老登臨興擬
學山翁倒載歸霄漢汶寥橫獨鶴川原搖落帶斜暉從來
酒債尋常事不用花前待白衣

和沈東溟吊岳武穆墓二首

二帝蒙塵國步休出師恢復為誰謀十年戰伐功何在蓋
世英雄土一丘壯氣未消春靄合忠魂不返暮雲愁昊天

不吊終亡漢千載令人失武侯

虜騎紛紛世亂離山河此日不勝危班師數下軍中詔報
捷空飛郵上旗自古姦忠難並立中原淪落更誰支錢塘
亦抱吞冤恨吼地潮聲日夜悲

題扇和韻

一巖長笛海天秋飛散餘音野水頭莫道無心吹折柳夕
陽江上有人愁

江臯集卷二

江臯集卷三

雲間馮淮會東著

木瀆夜泊

四山圍木瀆旅泊更何依風送船來晚月高人語稀倩誰
賒市酒即欲典春衣一榻中宵夢時從故國飛

送人之山陰省親

衣挂新羅柳色深出門端不為登臨連天春水孤舟客一
片白雲千里心啼鳥聲中過吳苑流觴時節到山陰高堂
只在千峯裡滿耳絃歌不用尋

嘗海鮮

叢叢南風下海船抄先已到棟花前帶冰煮熟還呼酒貫
柳携來不論錢汪革本當知菜味馮驩却有食魚緣老來

自笑貪饕甚便欲移家近海邊

送張鶴汀遊越

滿地新涼拂亭袍南遊仙侶駕蘭橈謔論勾踐千年事試
看錢塘八月潮落日樓臺烟寺晚亂山城郭海天遙老夫
曠有西湖興並載無緣醉六橋

西山烟寺景為武陵陳節推題

山腰嵌孤寺山古寺亦古棟宇半齊梁山川搃荆楚貝葉
翻層臺曇花暎深戶浮圖凌紫霄幡幢影亭宇空潭蟄降
龍長林卧馴虎地主文章伯時來問緇侶興到即揮毫滿
壁驚人語無煩碧紗籠山深絕塵土

與姚朝瞻谿上夜酌限韻

竹寒沙白早驚秋谿上何人作夜遊滿地月光真可掬沉

波樹影欲隨流微茫野火明江店斷續林鐘起寺樓夜半
興高消不得浩歌應徹碧雲頭

芙蓉二首

骨格雖寒色自深避塵多在碧江淥無緣不識東風面有
約惟知白鴈心澤國蘆霜秋款款陂塘烟月夜沉沉也知
城市無人買一笑從他直萬金

谿上春酣頗作狂受風搖動欲翱翔凌波微步矜羅襪耀
渚明妝逞綉裳頭重未醒千日酒面寒猶帶五更霜莫言
爛熳開何益妝點詩家舊草堂

寒夜獨坐

一篝燈火影幢幢袖手無聊坐竹窻浮世風波何日定愁
城碑碣仗誰降霜飛海角啼孤鴈月上梅梢吠小尨抱被

登牀眠不着寒潮夜半吼三江

周青岡臺試失意至夕有懷奉慰

山憲把酒一陽新此夕思君感慨頻天下不多宛國馬
畫中却有漢宮人枯桐未必終投爨野鶴從來不受塵
萬事升沉元有定一罇遙寄洞庭春

西蘆卷

漠漠風烟蘆水西隱君高跡此幽棲
龍江迤邐潮聲近蓬海蒼茫眼界迷
十里秋雲鷗夢遠半灘斜日鴈羣
位相尋記得花如雪一棹分明過剡谿

畫葡萄

西風撼撼亂垂藤馬乳漿寒照水晶
聞道相如曾病渴當時何用吸金莖

畫意

水面涼多怯淨袍扁舟穩坐夜無濤
滄浪一曲無人和海國天空月色高

壽高西樓二十韻

偉矣高夫子東南一老儒文章攬造化
聲價塞寰區高論懸崖瀑清光照乘珠
同袍欽德量晚輩藉規模風月雙蓬鬢
乾坤七尺軀家藏餘萬卷手植迨千株
才大為時棄年高與道俱江頭狂杜甫
湖上老林逋雲翮垂鷗鷺霜蹄蹶駿駒
濟川徒有楫浮海欲乘桴天下神仙少
山中宰相孤塵隨松影動簟趁竹陰鋪
不受簪纓縛何憂歲月徂行年將杖國
閨月復懸弧繡宴供麟脯斑衣舞鳳鷄
遙聞進士笛爭獻出關圖資壽峯堪煇
傳書鶴可呼公方來禱頌予

也學搽觥已羨稱人瑞還期看海枯文王今在上曾辦釣
緡無

贈文衡山太史

南州人物如公少奕葉家聲到處芳當代賦才稱屈賈千
年書法見鍾王日邊待詔曾金馬夢裡揮毫尚玉堂我已
望風私泚久願從東壁借餘光

宴張氏竟秀樓

竟秀樓頭把玉觴青春荏苒日初長疎簾細雨迴江燕深
院東風醉海棠纏錦佳人能鼓瑟隔花好鳥解調簧酒闌
餘興復不淺遠鄙山川半夕陽

登江閣望九峯有懷止山

六月憑高望九峯登臨佳興與誰同故人相失風烟外往

事都歸夢寐中舉目江山皆罨畫側身天地自樊籠相期
直欲浮滄海破浪須乘萬里風

八月十五夜和韻

高歌一曲振長林滿地西風落醉巾萬古山河今夜月百
年江漢白頭人清砧亂搗客心碎南鴈一聲寒氣新有約
不來虛下榻與誰傾倒洞庭春

九日晚過張吾江用韻

酣歌落日坐楓林一笑還歌白鷺巾羣弟豈無修鳳手諸
郎儘有釣鼈人郊林丹桂秋仍在栗里黃花晚更新千載
德星今日聚一堂和氣漢城春

與陳雪蓬飲福泉山予醉卧而雪蓬先返

醉倒青松白石邊不知山下放歸船直饒小洞眠雲趣却

欠清江汎月緣樂事且留餘興在美人無奈別情牽疲深
酒醒呼童問半壁殘燈一惘然

和荅周青岡

老去風流奈子何逢人猶自發狂歌殘編夜靜攤斜斜
屋春深補薜蘿啼鳥湯催花徑酒落霞佐瞰島池波
朝早晚搜遺逸好應不求聞達科

紅菊

秋花紅重却疑春幾夜霜高色轉深莫作春花一般看要
知同色不同心

送友人從軍四首

西風吹老淚灑向故人襦迢逾七千里艱危六尺軀山行
狐作偶水宿鴈同孤為爾悲還壯終軍解棄繻

吾子聰明到胡為逢百罹白頭猶有母中歲尚無兒閑塞
風高日家山瓦裂時乘除元有數奚足怨蛾眉
瘴草蠻烟路茫茫接廣西各持一杯酒相對數行啼鉅黍
驚鷗鴨吳鉤筭鷓鴣須知文武藝俱是不霄梯
臨歧無所贈聊為采芙蓉願子別時面如花霜後容雲龍
忽相失江海叟何從望望言旋早同歌醉九峯

吳淞晚發

東風拂曙送輕橈燭影幢幢與夢搖一夜轟雷新過兩半
江殘月欲平潮烟開古渡漁梁出樹隱微鐘野寺遙分付
長年須着力向來山水興偏饒

汎新洋江用韻

綠蘋香裡駕蘭橈江面無風水自搖細柳凝烟迷斷港落

紅飛雨逐春潮酒波蕩漾風前綠山色依稀鳥外遙今日
此遊真不愧諸君風韻十分饒

醉遊虎丘

去年沈醉此山中今日重來酒更濃高樹倚巖歸獨鳥斷
雲含雨閣千峯散飛折柳花前笛影落清樽石上松剩欲
臨風發長嘯恐教幽壑動潛龍

石川惠詩扇用韻訓答

衰年畏暑卧中林朋舊時勞杖屨尋到處江山如有待倘
來軒冕亦何心風吹細雨羅衣濕草沒閑居鳥篆深忽報
清風傳古調掀髯落日動長吟

飲石川水竹深處

水竹幽深處山光半入樓湘簾搖碧落雲棟拂高秋瀟灑

登臨客風流博望侯相看忘世態閣酒話滄洲

畫牛

濯國春深水拍隄誰家驅犢渡前谿牧童何事催鞭策要
趁桃花雨一犁

登玉峯

攀盡藤蘿上斷崖直教雙眼豁天涯到京雲樹三千里近
海人烟十萬家

訪彭止菴

一棹南來訪故人迴塘十里費幽尋江山每入春來夢離
合偏驚老去心夾竹小谿流水湧入林香徑落花深半醒
半醉出門去木末斜易棲暮禽

李介庭見過去促不及款寄詩一首

勞君問竹過江臯返棹何忙溯雪濤半餉復懸高士榻一
樽虛借隔塘醪西林落日啼黃鳥何處東風醉碧桃悵望
天南人已遠亂雲堆裡暮山高

泊舟江口對月

時有鄰船送酒

沙頭旅泊興不淺漫向蓬窗治晚筵活買鱸魚來海市香
分竹葉過鄰船一泓銀漢天連水萬頃滄江月照烟細酌
候潮過夜半不妨沈醉鴈霜天

夜宴周山齋園亭

瀛谿亭上一罇同此夕風光似畫中星傍短簷窺客醉鳥
移深樹避燈紅石池涼浸芙蓉月瑤几香生茉莉風酒罷
談詩還對榻夜深烹茗喚山童

和谷雪竹馮山人園亭夜宴之作

周鳳鳴

澤國秋高多鴈鴻山人遙過草堂中江籬冉冉水浮白
楓樹蕭蕭林墜紅野服尚餘中古意大篇真有盛唐風
開樽下榻還憐爾頭髻鬢髮且未童

墨竹

曾移短楫駐湘湄湘水茫茫落日位吊罷湘君人不見滿
天烟雨鷓鴣啼

馬二首

日色輝金勒春光入錦鞵杏花天氣好嘶過酒樓前
伏櫪誰憐老征胡尚自驕千金收駿骨不復遇燕昭

月夜楊漸齋見過

載月相遇興灑然滿篷風雪笑前賢初疑海上浮槎客却
是成都問字船江渚芰蕩波撼月石厨温酒竹生烟憑君

莫問更深未霜點芙蓉色更妍

賀碩雍里方伯致政

抗疏頻頻入未央即看霄漢一鴻翔青山已築新花徑綠
野仍脩舊草堂醉裡漫聽歌擊壤夢中時復拜垂裳歸雲
未許留丹壑膏雨終期濟八荒

話章南村

艤舟湖口近黃昏烟雨人家正掩門山轉上方迷舊路客
從新部問南村風流白社詩千首燈火虛堂酒一樽細酌
不知過夜半老懷須與故人論

和周山齋元旦

冰封谿澗雪封條冰雪春來揔未消初日射簷烏鵲起東
風吹酒綠波搖乾坤此日無夷夏宰相于今有宋姚更願

我 皇崇聖德康衢時復見童謠

寄謝草塘

落梅飛雪暗江鄉客裡逢春動感傷此日寒窩坐風雨誰
家芳草滿池塘三年病肺方無効百事叢心鬢易蒼故國
交游揔天末每驚歸鴈正聯行

崦口漫成

一棹來湖口穿雲度白沙金雞啼落日黃鳥喚飛花水闊
漁舟亂村深酒暢斜佳人尚遼隔今夜宿誰家

登穹窿用韻

小輶雲扶上盤盤路築沙地偏峯削玉湖白浪飛花獨鶴
摩空遠群山帶郭斜仙踪何處覓欲問野人家

湖上用韻

躋攀差覺倦容與白鷗沙風正帆如駛春濃眼欲花塔隨
舟楫轉湖抱闔閭斜柳外青帘出爭憐近酒家

新居二首

烟水鄉中宅一區漁樵鷗鷺往來俱頻年汎梗翻疑夢荒
歲誅茅合笑迂無地寇公空鼎鼐晚收馮異自桑榆東風
亦愛新居好時送飛花點座隅

四顧盤旋山部遠吾廬突兀野烟開苔將匝地春纔到樹
未勝巢鳥不來隱計湯於今日定賀章多枉故人裁直須
送老滄江上更問沙鷗築釣臺

與李筠谿探楊漸齋途中有作

韶華一半雨中消此日晴光動次寥四顧蒼烟山部遠羣
飛白鷺海天遥隔花僧磬江邊寺傍水人家柳下橋翹望

草亭雲際立好憑春水送輕橈

剡竹篇和谷筠谿

君家萬竹如雲綠種遍巖阿與谿澳風流主人居其間濁
酒一甌琴一曲我曾踏雪訪此君對酒歡呼振空谷相違
湯作江海遊此後餘興不復續焉知吾子坐時艱徃徃絲
苦官吏酷衾裯典盡囊橐空鸞及田園與耕犢終焉流害
君子身却將拉納官倉粟綠陰頓使失谿山清氣還看散
林麓七賢如見神必傷二仲相過眉三顧童子平安已虛
報將軍問訊六虛辱剡得疎松守歲寒還伏孤梅接芳躅
老夫空憶瀟湘雲主人如失崑岡玉誰將此意達有司從
渠酷管須慙恧山中聞道有餘根分付蒼頭毋再斲會看
重長凌雲枝玉立森森皆族屬于今請勿論廢興世道從

來多反覆勸君縱飲且俟時要知無竹令人俗我有蕭蕭
三兩竿晝夜寒聲足茅屋結巢擬待鳳凰棲編籬不放牛
羊觸過從許客載籃輿培壅呼兒持畚揭君家以之充賦
歛未必此君甘受戮若使殺青利天下吾知受戮渠亦欲
為君和就剝竹蒨閣華躊躇那忍錄

病起

瘦莫能支笑沈腰強扶筇竹度谿橋眼花見日偏撩亂鬢
雪逢春搥不消殘粉惜飄梅隴瓣半青驚長藥畦苗多情
凌殺東風烏時送新聲慰寂寥

壽周貞菴尚書

崧嶽曾誇誕甫申玉山今復見斯人三陟樹業風霜地八
座飛聲社稷臣海鶴風姿終自放江鱸滋味為誰新綠知

朝野岡陵頌併祝 君王萬萬春

和荅張餘峯憲副

蕙滋從濕謗伏波微雲掩月易消磨山中盡道烟霞暖天
上還誇雨露多載鶴船衝湖面雪探春衣剪越州羅也知
高社能容我枉教時勞白雪歌

喜雪用韻三首

陸地平平水不波瓊瑤一色是誰磨瀉隨折竹寒聲碎舞
趁回風巧態多柳絮池塘迷白鳥梅花亭館失紅羅太平
有象真堪慶會聽人間擊壤歌

半埋江渚半沉波也伴清水受洗磨歲首六花先獻瑞春
前三白未嫌多寒梅早發爭丘壑凍雀深巖避網羅白戰
騷壇誰解主滌毫須和郢人歌

敲冰汲取墨池波，潑硯龍膏且細磨。煮茗極知陶穀妙，題詩還擬謝家多。寒江獨坐誰簑笠，暖閣深居自綺羅。一曲昇平燈節近，野人疑唱落梅歌。

餘峯有約不至用所寄韻

望斷長江雨未晴，風流遙憶謝宣城。柴門不見鈴騶過，書案頻看瓦雀行。半榻烟霞還自暖，千金諾為誰輕飄飄。鸞鶴知何處，曠却鷗羣海上盟。

次日餘峯冒雪而至再用前韻

凍雲零亂雪初晴，忽報都官到海城。塵榻未曾緣客下，雪舟今復見君行。先投郢曲情偏古，欲報瓊英意匪輕。聞說廟堂虛左席，謗呼猶鶴定新盟。

雜英卷為唐雲山題

葵花

紫蘂薰丹萼，齊開較淺深。人皆愛顏色，莫苦向陽心。

榴花

五月花正繁，霞綃亂文纈。中林火欲然，南風吹不滅。

百合

檀心承露渥，玉質盎春溫。小院黃昏月，相看欲斷魂。

荇菖

異種來天竺，清芬散野園。臨風試三嗅，羣卉復何言。

近山卷

卜築傍巖阿，幽棲趣若何。作屏時伐石，補屋更牽蘿。欹枕泉聲細，開簾爽氣多。交游謝軒冕，惟許白雲過。

秋夕感懷和石川韻

商飈叢叢大江濤木落山空氣象森一夜早寒侵客袂萬
家清杵亂鄉心銀河西轉斜拖練烏鵲南飛直過林遙望
橫塘一片月有人相對獨霑襟

挽張海西

寄我篇章未決旬一回展覽一傷神斯文永訣從今日白
髮相知更幾人隔竹暮禽猶自語傷籬寒菊為誰新何年
再見陶彭澤壁上空餘漉酒巾

藥名無題四首

遠憶羗郎恨萬重遼西浪蕩復遼東草生石耳年年綠花
結燈心夜夜紅千里水長魚信斷半天河闊鵲橋空黃昏
怕見芙蓉月付與蛇牀夢寐中
踏破垣衣滿院苔芭蕉葉下幾徘徊翠翹懶整連翹斷團

扇新裁敗扇來竹葉追歡無我分菊花含笑待誰開女貞
實有題紅意猶恐青娘故故猜

桂心終日不曾寬樽酒憑誰為合歡鏡裡雙蛾青黛淺天
涯孤騎鐵衣寒東流水遠愁難斷南燭枝長淚不乾望望
天門冬又晚良人何不蚤休官

凌霄遠志已蹉跎蘭草貞心尚未枯石斛有時收薏苡鈎
藤何處拂珊瑚蝸牛雨後空成字石燕春深未有鷓安得
款冬花一見木香棚下闔檮蒲

駕幸西山和青岡韻二首

輦道埃塵一雨消東風千里送鷄翹黃沙白草龍荒近紫
氣紅雲鳳闕遙地到闕山形自險天連渤海勢俱搖懸知
扈蹕枚臯在詞賦唯誇協九招

漠漠烟花十萬重
巡遊此日慶時雍
鸞鈴動地催奔駿
雉扇連雲障袞龍
載道民謠稱萬歲
諸陵王氣壓千峯
聖躬勞逸關天下
雨露應教到處濃

過半塘寺待石川不至

理楫尋山過半塘
綠蘿深處得禪房
春歸蘚跡黃金地
暖護茶烟白石林
竹裡鳥鳴聲細細
雲根泉動響浪浪
故人
有約來還未
吟弄梅花步繞廊

劉久齋用坡韻咏雪見寄和答二首

度密穿深試巧織
點梅拂竹闥清嚴
儘誇詞客千年調
偏照山人一筯鹽
娟娟芭蕉誰院落
啾啾烏雀自茅簷
朝來
現見威方霽海上
青峯露萬尖
寒侵故堞起樓鴉
凍合長堤響過車
天上有誰吹鳳笛
人

聞到處落梅花
玉成林壑高
危樹粉飾東南
十萬家
那有清詩配冰柱
望風端合拜劉叉

再和尖字韻一首

隨風片片復纖纖
白戰無端未解嚴
學士茶香那用酒
海鄉沙白誤呼鹽
寒巖助響風千樹
夜榻增輝月半簷
呵凍題詩興不淺
却嫌推折兔毫尖

與李筠谿過張曾甫夜話

滄江新水發遙附
李膺舟草甸春風
榻山杯夜雨樓
芳鮮羅海錯談笑
弄吳鈎
燕領張公子
當期萬里侯

舟中望北幹山

昔年曾此憇
今復寄行踪
草色回春淺
嵐光帶靄濃
鳥投巖畔寺
風偃石邊松
已過重回首
斜易影亂峯

病起二首

涼薰爽毛骨愁病與春徂戀樹花猶當窺巢燕已鷓破幽
琴復整開禁酒仍沽試拂今朝鏡癯然非故吾
一病淹三月筋骸差覺強自憐同鶴瘦誰解惠松肪落擇
風篁弱延籬雨夢長江鄉堪獨步倚杖看斜易

簡陸儼山詹事

錦袍犀帶映雲巖盡道公家吏隱兼天上門生今宰相斗
南人物舊宮詹江聲動地夜歌枕山色滿樓秋卷簾况復
九枰機未息每驚花影過重簷

和荅黃竹亭見寄

吳淞南望故人居宛轉谿山畫不如雲護草亭三徑竹風
吹細帙半牀書雪舟愧我空思戴塵榻勞君久待徐莫笑

鄙夫耽懶散老來多病學逃虛

秋夜對月懷諸止山

去歲歌鐘裡今宵感慨中江山一杯酒不與故人同驚鵲
仍投樹仙禽亦受籠悲歡事難卜搔首對西風

竹林七賢圖

猖狂縱飲七人同坐看山河落照中鎮日昏酣吹不醒却
教人恨竹林風

雨中虎丘僧房和韻

談玄閣酒坐忘還磻戶留雲暮未闕剛道笙歌滿城郭幾
人來看雨中山

旅舍承唐龍江憲副過訪

忽報高軒過客居歡迎不覺倒襟裾極知公有斯文誼敢

謂門多長者車滿地春風動花草一番談笑罷琴書蕭蕭
一劍猶無恙莫問年來食有魚

秋夕與浦海濱話別用劉南坦韻

文星逼台斗光彩動元精氣發東吳秀聲飛不世英雄談
傾四座白戰控長城棧櫟均承楨弓招摠受檠飄凌酬士
望遷轉協臺評迳造叨優遇投桃擬報瓊相看疑舊識一
笑定新盟酒渴柑仍破霜高鱗可烹燭花當客吐劍氣拂
秋橫碧漢槎千里荒譙鼓二更烟飛茶正熟月出句還成
陳孟能投轄公孫豈釣名卑棲慙草莽高步仰雲程禁闥
通名籍橋門候鐸聲養賢天子事惜別野人情竹徑難
期掃葵心始見傾遙聞邊警急懸望泰階平廊廟憂方切
師儒繫匪輕風隨仙籟起寒傷客裘生欲采芙蓉贈滄江

思獨縈

贈彭隆池

翹翹標格一瓊枝籍籍香名四海知籬落秋花彭澤酒池
塘春草惠連詩雲橫綠嶂元無跡鶴在青天不受羈昨夜
憶君何處切闔閭城外月明時

過聖像寺訪竹亭上人相遇

蟻舟江口八禪林幽徑迢迢碧草分百丈松杉懸落日半
空樓閣礙行雲滂游老衲知何處直造虛亭問此君飛錫
不歸閑坐久暮鐘聲裡歎離群

儼山拉青浦見招適余西游未還越十旬始得書札

賦此奉寄

學士清秋費遠尋山人此日正登臨尺書纔到逾三月一

字須知拉萬金高蓋飛揚青浦上孤舟搖曳太湖心人生
離合難期事流水行雲思不禁

十月一日張橘泉招飲席上芙蓉爛然湯賦一首
十月蕭條萬卉空木蓮剛剩草堂中移來一段江湖意剪
破誰家錦繡藪清節好同霜下傑酣顏不減鴈來紅看花
老我偏饒興更喜諸君歲晚同

江臯集卷三

江臯集卷四

雲間馮淮會東著

和鄭戶部秋興二首

草堂臨水竹籬斜留滯滄洲有歲華朱絡馬思花巷路縮
頭鯽憶漢江槎高樓落日誰家笛絕塞飛霜半夜茄盡日
采芳人不見西風吹老白蘋花

一夜清霜入樹林江南風物正蕭森古來明月不改色天
上浮雲自作陰王粲登樓鄉土念杜陵憂國廟廊心斜曷
獨立頻搔首滿地西風萬戶砧

夜宴鶴林閑雲亭

適我山陰興宴君池上亭酒壺傾綠蟻茗碗落寒星湖水
雲千頃梅花月半櫺夜深寒氣重座客醉還醒

海村卷

晦跡滄溟上風烟隔市朝
窓紅明曉屋田白湯春潮
澤窟蛟龍近雲皋鶴鶴遙
我餘浮海興相約並蘭橈

兩山卷

碧山高並草堂南
盡日相看不下簾
黛染蛾眉同一色
雲開馬耳見雙尖
烟花仙洞東西隔
風月詞家大小兼
取次吾將登絕頂
摩挲老眼試遐瞻

挽周貞菴

公何厭世成長往
國老驚看少白頭
霖雨竟虛天下望
江湖誰抱廟堂憂
滄溟渺渺千年鶴
玉嶺蕭蕭萬樹秋
昨日有詩曾寄我
豪光不逐斷虹收

寒夜

烘杯煮茗坐來長
撥盡寒燈未上牀
榻拙自宜煨土銚
妻孥偏喜聚茅堂
滄江寂靜潮翻月
碧海天空鴈叫霜
莫道老懷無足慰
漢家聞已破龍荒

贈沈玄谷

谿衍空谷迴離塵
落落深巖廊廟珍
黃鳥遷喬從灌木
紫蘭吹馥過芳鄰
雲來澗戶還穿樹
鹿下簷峯不避人
好護當年鄒衍律
須令四海共陽春

月祠卷

坐對青天月琅然
奏短桐廣寒飛白雪
銀漢度秋鴻露重
瑤臺冷山深地籟空
夜闌香欲炷袖手喚兒童

拊琴動思卷

手觸烏皮凡人止
琴亦止餘音驚入耳
遺澤怕開囊荒蘚

生瑤軫閑雲護石牀秋鴻叫天外獨立淚淋浪

晚窓獨坐有懷止山二首

惜君淪落十年強江海茫茫別恨長獨坐寒窓搔白首北風吹雪暗斜曷

美人相去一何賒悵望令人髣轉華日暮西風兩行淚欲隨孤鴈落天涯

贈別秦松癯州判

少游華胄搃能友對客揮毫復見君湖海相逢連日醉斗山馳仰廿年勤登庸已協三刀夢補袞須裁五色雲蠅自不能隨驥尾鶴應無意厭雞群琴中古調伊誰識別後佳音我願聞望望仙帆猶佇立黃龍江上正斜曷

贈郁古婁

善相

清時獻賦惜蹉跎七十相將鬢半皤道在山林違世久眼空湖海閱人多巖阿養竹招鸞鳳谷口留雲翦薜蘿風月似君真茂特窓前草色近如何

江上別儼山次日對雪奉懷因和所示咏雪之作

漠漠凍雲低墜樹未春先見落梅花旌麾百里山川外簑笠孤舟野水涯難和好詞真古調解烹香茗受誰家遙憐宰相衝寒去天遣長堤護白沙

儼山有約奉候不至用韻

柴門不見高軒過樺燭虛生昨夜花玉嶺幽尋應未已瀛洲仙賞信無涯濁醪搃解資陶侃清興何當落戴家望斷彩雲鸞鶴遠翩翩不下白鷗沙

新正三日與后川諸公城樓宴集

偶隨飛蓋一登高極目乾坤萬里遙
關塞烽烟猶在莽海鄉風物更蕭條
吹噓正待東風力旋轉誰操北斗杓
且喜太平今有象彩雲時復度鸞簫

拉暮復過張裡齋園亭

山亭啓宴接城樓水部風流興未道
瑤管錦箏相應發青衫白髮故淹留
縱橫雪後梅千樹隱見雲間月一鈎
報道陽春明日至東風一夜滿林立

立春日與諸社友集璇公禪房

東風送客來江寺杖屨真成物外遊
四座玄談隨磬發諸天泚氣與雲浮
香侵臘釀梅花早綠薦春盤菜甲柔
嘉會百年從此始不妨吾道付緇流

夜集陸思豫丹鳳樓

東來湯作早春遊掃榻勞君信宿留
短劍敝裘江外客清樽紅燭夜深樓
十年道誼憐青眼四海風波感白頭
世道旋看隨水逝仗誰移柱立中流

壽御醫顧東川

釋褐京華六十翁誕筵開在百花中
已看玉燭調元氣更藉金丹護聖躬
珂馬曉鳴龍寢月綵衣春颺鳳池風
三千里外南山祝湯寫松綾附北鴻

過方定玄東莊舟中和韻

輕橈載月渡江來數里聞鷄曙色開
東望輞川知不遠隔烟隱隱見亭臺

題墨梅壽鄧宰母夫人

北風卷地同雲黃雪花亂落冰滿塘
萬木蕭條凍欲僵江

南老梅偏漏香虬蟠鐵屈纏風霜驪珠炫目生夜光西澗
寒月烟水鄉一聲海鶴青天長鄙矣有母居北堂名與此
花同一芳年踰八袞雙髻蒼猶抱鐵心并石腸春回未節
氣運昌絲華不入桃李場矧伊結子金玉相調羹早晚升
廟廊海鄉風色正荒涼願使萬物同春陽

和谷張裡齋

遙寄篇章輝錦軸忽驚虹彩射茅堂難邀金馬門前客來
醉梅花月下觴一代風騷推鄭谷百年霜髯老馮唐西遊
有待尋高跡躡遍麟郊與鳳岡

和谷杜次谷

世道全非歲復侵湯從江海事無綸踈篁頰耐三冬雪深
谷能藏萬古春老我筋骸猶矍鑠愛君詞翰轉精神獨醒

要識為時忌莫笑猖狂晉伯倫

贈王司業

時病腕

新遷壁水僅三年三鱸虛勞近講造剛道韓公能造士未
應蘓子愛參禪玉堂金馬春來夢白石清泉老去緣腕力
差強真慰我探觚來看滌雲烟

送茅鹿門儀部赴京

鳧鳥翩翩又北翔五雲深處拜垂裳攀轅莫挽花封令捧
檄新遷畫省郎一路青山迎去旆滿江春水送鳴榔馴登
要路從今日早望甘霖沛八荒

陸和齋園亭賞牡丹

花深池館春還在客醉歌鐘興未闌暮雨洗妝羅幙淨東
風吹酒玉樓寒多情欲向樽前舞老眼翻憐霧裡看一笑

出門驚夜半滿城明月照歸鞍

題袁陶齋長吟閣

快閣如翬倚碧空吳門風槩幾家同烟花城郭層闌外錦
繡山川四顧中春草夢回驚夜雨落霞飛盡送歸鴻石渠
天祿何須問高擅柴桑萬古風

慰周山齋病起用杜次谷韻

養痾林壑已多時習靜投閑兩得之弓影破來猶斷酒帶
圍寬後未忘詩憲前草動經寒色谷口梅橫傲雪枝曾辨
謝家雙屐未登臨莫遣過花期

四月一日與陸晉川汎石湖聯句

何處追尋昨日春闔閭城外石湖濱情多叵耐花隨水酒
醉生憎鳥喚人天際好山青未了湖南芳草綠初勻匆匆

又作經年別回首斜易一愴神

和夏閣老贈湯搃戎二首

團花閃閃戰袍紅馬色龍飛意氣雄京觀長鯨今日戮烽
烟萬里一時空

倅馘纍纍寇盜平將軍收拾漢家兵旌旗驛路風塵淨鉞
鼓樓船海月明

偕周木沅訪郁山人

出郭移蘭棹尋幽過野堂光風瞻茂苑華髮感馮唐拂石
雲生潤開尊竹送涼笑談淹半日返照入林塘

吊陸大參墓

欲薦芳蘋十載心懷賢今始一登臨四朝勲業穹碑在萬
古湖山片玉沉小徑荒苔酣卧鹿疎林落日亂啼禽也知

陵谷多塵劫極目蒼烟感慨深

寄陸五湖

吳下才名重陸機襟期復與古人齊已從北海搏鵬翮暫
向南山歇馬蹄書榻淨搖庭草翠墨池涼拂水雲位白頭
若恨過從少好寄新題續舊題

謝周木汪惠詩扇

細讀新詩字字安又驚飛箠下雲端連篇白雪千年調滿
面清風六月寒竅喜池塘生謝草不知宮殿有齊紈展絨
拜賜真慚我珍重何當報玉盤

挽許中丞警菴

大星中夜落軍營漢主俄驚失孔明汗馬有功能破虜蕭
牆何事忽遭兵行歲已付千金劍保障誰當萬里城公在

泉臺應不昧靈光夜夜照神京

婁野亭雨中觀荷

鳴荷急雨晚初收六月陂塘意已秋絳萼淋漓團錦重翠
盤歌側亂珠流翻來白苧歌聲轉倒却黃梅水氣浮遙望
鑑湖三百里風光爭似野亭幽

白燕二首

清秋憶別故飛飛何事重來換縞衣拂水佞迴青草渡入
烟輝暎綠揚磯涼飛玉宇凌風去暮卷珠簾帶雨歸爭似
鴛鴦爛文彩年年得上玉人機

託跡茅簷分窈窕水晶宮闕路非遙晴雲護壘元無礙春
雪點衣猶未消玉立兩條佞欲墮練拖花渚濕還飄能言
莫浪誇鸚鵡一鎖雕籠尾半焦

竹谿卷為朱子起題

翠竹清流自脫塵餘風却向渭川分
琴臺半落青鸞影釣艇平穿白鷺羣
斲筍烹茶消宿酒澆花引水濕春雲
分明一段瀟湘意誰寫吳綾贈與君

與鄧梓堂張石川月夜觀潮和韻

玉山城外淼烟波有客乘潮鼓棹過
詩興酒懷秋不減江聲月色夜如何
思鱸極喜歸張翰抱璞真憐老卞和
莫道江湖無一事鬢絲應為廟廊多

鳳凰橋夜泊

短楫遙遙西復東鳳凰橋下駐行踪
酒邊明月誰家笛夢裡寒山半夜鐘
萬古臺名猶有鹿千年劍氣已無龍
難禁百感篝燈坐頽影蓬窓雪鬢鬆

十月十日宴裡齋飛霞館和韻

仙翁啓宴飛霞館白髮風流搃不羣
花借小春隨意散園非獨樂與人分
鳳蕭吹出樓頭月蟬鬢飛來席上雲
况復聖朝全盛日三陟晏爾嚴三軍

王司業席上限韻

粹質元崑玉良材本嶧桐康莊今暫蹶
霄漢昔曾舛道自貧來顯詩從病後工
未應忘館閣那復振疲癘舊雨來吟
社清風起釣筒決滌通弱水壘石作崆峒
貂錦明新服虬珠炯碧瞳遣閑耽坐隱
避俗喜離罍壽域狐星燦賓造海錯
莪酒香浮簇蟻舞罷拾遺玩桂子憐
方茂蘭孫羨甫種主賢情更劇客醉
語還同霜柿殘牙冷烟花老眼曹放
歌雲欲裂擊節石還磴聚雀寒依條
眠鳧靜枕淥江湖與廊

廟瓦礫混珉玕

贈甫里巖太學

乘棹陰陰水部東主人深住綠雲中
桐江萬古巖陵泓甫里千年魯望風
一劍光芒寒射斗六堂燈火夜飛虹
相過莫訝踈狂甚湖海扁舟一釣翁

訪朱玉峯太宰于震澤舟中

山斗遙瞻四十秋登龍忽傷李膺舟
笑談如對春風坐和氣真同造化游
几几周公雙志鳥蕭蕭晏子一狐裘
典刑朝野誰堪任自是公卿第一流

輓章南村

爾我同庚我病多爾何強健却先祖
看山舊然言猶在滿扇新題墨未枯
東海月明仙鶴遠南村人去白雲孤
遙將

一掬斯文淚灑向斜陽墮石湖

湖上逢方定玄別後和韻嘲之

湖水澄鮮映碧空仙舟疑是廣寒宮
却將天上霓裳曲喚起山中鶴髮翁
翹首未回雲壑馬行踪真類雪泥鴻
闔閭城外凌晨問知在烟花第幾叢

失儼山三首

昨夜文星沉大海帝城爭報失儲端
空瞻赤壁悲蘓子無復東山起謝安
碁罷石枰松院寂花殘蓮燭錦堂寒
風神搃貌凌烟上不似山林醉後看

觸暑相過見病容秋來何遽滅仙踪
化為遼海天邊鶴負却丁家夢裡松
江上招尋書不到卷中揮灑墨猶濃
惟餘黃浦傷心地日夜潮聲尖卧龍

百里裁書遠問安忽聞哀報此心酸兼程進棹還豚馬拂
曙登堂已蓋棺前席竟虛宣室名清風猶剩玉堂官海鄉
詩社今寥落恠得山人淚不乾

蔣虹泉邀登虎丘用壁間朱玉峯韻二首

賓從都忘少長年入山中烏共翛然攬春竹葉來天上破
臘梅花占雪前龍挾晚雲歸石窟鴈拖斜日下湖田掀髯
倚閣舒長嘯鸞鳳餘音萬壑傳

宛轉歌聲四座傳就中誰是李龜年登高湯續龍山會踏
凍還參雪竇禪月白千峯浮紫翠夜深群壑鬪風泉狂生
賸有留題興叵耐鐘聲送客船

謝諸守谷載酒杜過失迎

不駕滄洲問釣蓬似君真得古人風山童不放湖頭鶴浪

跡深慚雪裏鴻四海交游頻入夢一番談笑又成空也知
未盡王猷興看竹還期過浦東

和荅周思雲二首

推褐憐野逸揚揚猷肥輕邈焉鸞鶴姿豈受塵網嬰傾蓋
一相見過我滄海行持贈梅花枝難酬千古情
勞君動遐想寄我白雪吟珠彩照茅屋金聲振長林飄凌
見高思閑澹呈古心何時重握手一笑披塵襟

月軒

愛弄清秋月開軒坐夜深天空聞搗藥林白見棲禽輪側
半樓影波流滿地金若為酬勝賞酌酒更鳴琴

祝蝗

去年臘雪踰三白螟蝗入地應千尺于今此物從何來不

問江南與江北一陣一陣復一陣蕩蕩接翅飛不息白日
陡作風雨聲青天變却黃雲色墮地堆疊如丘山東阡西
陌少人跡野草嚙盡無遺根禾苗豆苗相繼食農人顛顛
淚交頤鉦鼓喧喧朝復夕村村竟放迎神燈千點萬點望
不極驅之不去將奈何人民無計神無力吁嗟東南久凋
敝皇天何不岳憐惜去歲風潮沴氣餘縱橫餓莩多成積
奄奄存者強偷生何當爾復為災厄爾之為物固甚微害
物為大不可測人何負爾苦為仇置之死地靡其慝我將
斯言祝爾知爾其當以斯言擇爾既易生亦易死生有損
子死有益胡不遄死昇滄溟轉禍為祥萬民憚

不盡 蔣虹泉邀遊巖山

尋真入瑤館飛蓋簇山阿舟載詩家鶴庖供道士鶩舊游

乘月至新約奈春何鼓動花枝亂更深燭跋多豪吟振林
麓醉墨灑烟蘿鐵笛穿雲遠瑤笙與鳳和深林臯虎豹幽
聲吼蛟鼉躍馬扶殘醉西巖落絳河

舟潛江灣夜深不寐

水落江灣閣小舟歸途無奈此淹留寒潮不起滄江汎旅
况難禁獨夜愁缺月半篷醒短夢清霜滿地逼重裘防身
湯自藏孤劍不放寒芒射斗牛

村夜話

江烟雨帶蕙葭艤棹尋君白鶴沙凍蟻旋開殘臘酒寒
梅先試隔年花白頭相對終青眼四海斯文本一家話久
未知過夜半月臨庭樹起啼鴉

壽周山齋

玉山城裡周夫子，霽月光風百世來。
胸次直吞雲夢澤，文章不下馬班才。
王心六日懸弧屆，天地三陽壽宴開。
拂棟弱雲垂錦席，入簾殘雪墮霞杯。
千年勝會蟠桃熟，八座高堂醉玉頰。
翠袖不妨終日舞，綠衣端合傷春裁。
誰於志壁橫長笛，爭望南山頌有臺。
却笑江村正搖落，為公聊寄一枝梅。

人日閑步仰見二鶴騰翔遂得海上飛來白鶴雙之

句足成寄青岡

誰記蕭章寄草堂，故人迢遞隔滄江。
雲間露出青峯九海上飛來白鶴雙，
綠勝風情傳舊俗。梅花春色漏疎窻，
新年白戰思勦敵，對客揮毫老未降。

詩成適李筠谿至用韻

一灣淞水繞茅堂，頗似成都濯錦江。
春動海天雲色五，客來花徑履痕雙。
風生酒浪搖瓷碗，日煖茶烟起竹窻。
高論懸河真不竭，我心先已為君降。

抵暮涓石川詩二卷用韻

飄然揮來寶墨，堂長才如水。散春江連篇，直擬詩三百。
酬贈慙無璧五雙，想望高風頻閣酒。展看落日更推窻，
郢中高調真難和，斂手令人暗自降。

石川見招用韻

寂寞無人問草堂，一簑風雪正寒江。
梅花忽贈春如許，尺素還憑鯉一雙。
不愛餘光借東壁，已拚深夜坐西窻。
相期補却登臨債，逸興年來頗未降。

夜坐用韻

門掩東風坐小堂
春愁如浪湧春江
囊中長物青錢一鏡
裡流年雪髻雙啼斷
鴈聲霜滿地轉來
梅影月橫窗故人
餽我黃柑在未
摩先令酒力降

燈夕與山妻小酌用韻

但迴銀漢直垂堂
俯瞰春星欲墮江
清世界中端月半紅
燈影裡白頭雛
占年遠眠千門燎
燄月頻推半夜寤
况是三邊有頰
牧已令群醜望風降

江行用韻

江水誰家開草堂
乘潮有客渡長江
翻來細浪魚鱗疊
踏破春冰鳥足雙
落日向人佐野樹
遠山隨路入船窗
眼前風景偏撩我
恠得詩魔苦未降

贈陸晉川用韻

春風吹客到林堂
扶醉看山又汎江
題品似裁雲錦段
報投須遣玉盤雙
脩脩風度翹孤鶴
落落冰懷洞心忘老我
望風非一日豎旗
今始為君降

席上贈蔡謙齋用韻

一笑逢君春滿堂
畫船千里到婁江
凌雲滌思詩無敵
射斗龍光劍有雙
歌按落梅春早宴
花垂紅燭夜深寤
會看騰踏雲霄上
馬應教冀北降

宴山齋園亭用韻

梅花無數遠山堂
疑是烟湖與雪江
鸚鵡杯浮春酒綠
水晶盤薦錦鱗雙
谷音猶聽尚書履
雲氣常侵玉女窗
次第登臨今日始
對君佳興若為降

夜宴俞平甫園亭用韻

酒闌移席就林堂欲破餘酣漱晚江瞰戶春星光應亂照
屏銀燭影搖雙歌聲拂靄高飛棟花氣含風暗度窻一刻
千金真此夜賞心寧為白頭降

青岡小集用韻

花竹常懷舊草堂夢魂連夜遠軋江防身僅有吳鉤一展
足還餘謝屐雙芳草野烟游子路春風罇酒故人窻東西
明日還分手別恨難從醉裡降

野步有感用韻

際曉扶藜出野堂石橋東望渺春江坐來綠樹黃鸝並飛
過平林彩雉雙滿眼浮雲迷客思誰家分火過鄰窻窮民
大半填溝壑米價城中尚未降

陸石亭宅賞牡丹用韻

半山橋畔宴春堂春酒如泉瀉碧江地主風流能有幾花
王國色信無雙半簷香霧吹華尾一片飛霞落悅心誰唱
清平千古調品題應為謫仙降

登王峯絕頂憇禪房用韻

碧峰高處坐禪堂俯瞰滄溟與大江花鳥一春吟興劇風
烟萬里醉眸雙綠崖庶卧雲根石倚閣僧開樹杪窻落日
狂歌重呼酒洒豪今復為誰降

宴翠微閣用韻

湯向山腰開小堂羣峰倒影入清江深傳空谷鶯簧細高
過行雲鳳管雙勸飲落花偏傷酒催詩微雨故侵窻憑誰
挽却芳春任日日登臨我未降

謝陳前谿父子見過用韻

衰年苦暍卧林堂
舊雨隨風忽過江
堯變春闈期第一
慈明風格信無雙
衝星寶劍橫孤榻
落日清樽坐小窓
枉贈篇章皆白雪
病懷塵想一時降

與止山虎丘分題二首

千頃雲

山頭一虛閣
四顧多白雲
雲氣幕人目
坐久天地分
千峯潤宿雨
萬木明餘曛
眺遠興未極
簷牙歸鶴羣

憨憨泉

及脈何許來
注作千尺井
中有一方天
照見群峯影
林僧汲深清
穿雲下脩綬
我欲分一罌
歸來煮春茗

耳聾三首

一春病耳渾無賴
賓客懶迎門
懶開山鳥也知貪
晏卧春

聲不到枕邊來

自入春來耳不聞
應人常錯問
常須誰將朝野新
畝事說與山中白髮人

老去難禁百病攻
却宜兩耳向來聾
海鄉人事蕭條甚
那有笙歌落耳中

過東禪寺適彭龍池兄弟携酒至

迢迢香界入東林
梵語鯨音隔院聞
布地有金誰梵石
過鄰高竹竟凌雲
池頭淪茗吹龍沫
樹杪開窓送鶴羣
仙賞更憐逢二妙
一庭明月酒初醺

次日坐寶峰禪房用韻

石房杳靄帶長林
門外塵喧了不聞
拂檻飛花香墜雪
過簷高樹綠團雲
雨深斷壁侵蝸篆
苔破幽谿度鹿群
更愛

遠公能款我焚香酌茗散餘醺

虎丘暮春湯興

黃鳥嚶嚶喚客遊穿花度柳復經丘千峯兩過青於涑萬
樹春深綠已稠坐石細傾金鑿落隔林遙見錦纏頭醉來
且枕雲蘿卧一任昏鐘落寺樓

沈雙谿山園觀玉蘭有感

昨歲曾來看玉蘭玉蘭花落留餘瓣今歲重來花又殘兩
度來遲空感歎白髮於花何窻綠花神未必於吾偏明當
或酒待花叢湖上垂楊堪繫船

雙挽為唐晉泉作

靈椿凋落紫萱殘無地招魂竟渺茫雙屨同封葬一在百
年具慶白頭難鯉庭空踐當時跡熊膽還餘舊日丸夜半

啼鳥心獨苦滿林霜月不勝寒

謝衡山所書詩冊

名家詞翰晉唐風不惜輕投到野翁筆力自能攬造化才
華直欲跨衡嵩點依芳草落花靜渴飲春泉老驥雄盡道
山中有奇物豈堂日日見飛虹

和荅諸守谷

絲綸千尺颺江滑自是龍門釣海人世路風波方脫險宦
囊蕭索不妨貧碧山樓閣風前酒芳草池塘夢裡春丘壑
須知有廊廟步趨時復見星辰

訪馮南江侍御途次湯成

扁舟五月渡南江江面風多白學涼拂水燕雛雙上下隔
林梅子半青黃高標未見華亭鶴清夢先飛綠野堂一笑

倚蓬歌伐木野鷺相吞送斜陽

宴南江忠訓堂

九峯迤邐接高居畫錦堂開畫不如滄海挾雲龍卧久碧
梧撐月鳳巢初水晶杯薦金莖露瑪瑙盤橫石首魚况有
風情能戀客半城斜日未回車

遊園用韻

新作南園稱隱居滿園幽致更何如秧分圃菊成畦後葉
展深荷出水初開徑僅容將子鶴引流先畜奉親魚千金
欲負芳邨色莫訝徘徊駐短車

寄贈俞質甫

飄蕭別是一風姿襟度還同萬頃波荆璫極知瑰麗器嶧
桐爭識鳳凰枝安貧顏子元非劣好隱王郎信不癡莫湯

投竿滄海上也應難免白鷗疑

暑夜獨坐

暑夜天氣如清秋涼颯入樹聲颼颼火雲歛盡碧空淨月
光滿地金沙流谿山掩映冰壺冷池波撼動樓臺影此夜
風光更若何獨坐令人發深省

和趙四之養病虎丘

養病兼習靜翫屋入禪林簟濕侵嵐氣衣寒近竹陰樹深
妨曬藥城遠阻修琴知有登臨興差強恐未禁

和陳莪齋致政三首

閉戶陳無已風流賀季真早成山水癖遺却廟堂珍掃徑
時留客看花不問鄰碧山終不負草樹益精神
勲業成春夢烟霞放此身官閑寧畏老道在不妨貧花陰

青藜杖風欹白鷺巾更憐多子姓文采動儒紳
遠慕元龍久相逢豈偶然面從今日識名慙舊時傳慷慨
談雙劍殷勤割半瓊月明思玉樹忽到酒杯前

八月十五夜飲柴棠谿宅

是夜周青岡不在

中秋有約記吾曾不惜扁舟半日程萬古陰晴今夜月百
年離合故人情酒杯照影憐衰老賦筆凌雲讓後生望望
佳人渺何許以天寒廊廡鴈孤征

江臯集卷四

江臯集卷五

和諸守谷秋夜翫月

雲門爲淮會東著

滿地西風野霧空高寒刃出水晶宮關山一曲清秋笛湖
海孤舟白髮翁繞樹可無南去鵲叫霜時有北來鴻故園
遙憶滄江外白露淒淒桂一叢

與沈瞻嶽陸思豫登福泉山拉暮而別和璧間韻

木末斜陽暎碧山暮鐘相送出禪關題留石上墨猶濕人
散竹間碁已閑揮袂各携秋色往放船分載月明還柴門
不枉高賢駕澗草巖花亦厚顏

湖上逢劉尚書雨舟夜坐

畫楫移來傍野航暫依官燭借餘光江湖風雨同今夕館

閣山林已兩忘松葉細傾甕甕酒鳳團香沸竹爐湯坐聆
談道渾忘寐寶篆烟銷夜未央

吊陸文裕公墓

風動松楸落日陰渡江瞻拜欲消魂舟橫野渡人何在柱
折中流浪自奔勲業一朝成露電文章千古照乾坤獨憐
無地酬知己一劍蕭蕭挂墓門

江村夜泊和餘峯韻

短楫牢維到樹根蕭蕭落葉靜還聞潮生別渚江星動月
出東城海務分客裡一樽同舊雨人間萬事捻浮雲醉來
敲榜仍歌嘯驚起沙頭白鷺群

送歸震川會試

偉矣南州產飛聲動四溟晶光瑚璉質文采鳳凰翎名已

魁多士心應醉六經巨鯢翔北海高鶚翥秋冥鑿落臨流
洗驪駒倚醉聽遠山如送客送照入雞心風色飄飄旆烟
濤渺渺船雲霄千萬里爭覩伍喬星

汲六息分寄衡山內翰

六泉亭下汲深清分入山中學士鐙遙憶夜窓詩夢醒月
團時帶雪濤鳴

候友人不至

酒出新筍難獨酌菊留餘萼待君開江頭日日西風急不
送佳人短棹來

趨四近卧疾山中和韻

山深車馬到門稀榻近松巢並鶴棲澗畔閑雲緣戶入竹
間幽鳥傷人啼

寄王涵峯中丞

捧檄旬宣髣未絲獨持風裁振華夷三槐甲第連雲日萬
里長城護國時歲暮忽開東閣宴陽和先到野梅枝別來
苦恨江湖隔極目涵峯有所思

六十自壽二首用石川韻

心情瀟落髣蕭騷六十年来一布袍稅地栽花翻自笑引
泉澆竹豈知勞雲歸晚壑書龕隘水漲春江釣艇高到此
行藏何必問西山端合老陳陶

到處逢人口唱酌從來生計拙營求賢愚受命由諸子湖
滄知心託舊游身後有名終是刃眼前何事不宜休滄洲
此日新團社風月平分許白鷗

登桐丘望太湖兼簡王少谿

少谿善畫山水

獨上桐丘望太湖茫然萬頃欲吞吳虛懷轉覺波濤壯醉
眼忽驚天地無撼動夕陽峰影亂劃秋色鴈聲孤鳳池
仙客滄洲上定攬風光入畫圖

奉懷王万湖主政

星軺千里駐東吳藉藉芳聲動海隅白日空中黃鵠遠清
秋江上碧峯孤懷賢未得持詩贈優老先煩折簡呼昨夜
小樓頻注目一天明月照方湖

壽諸守谷十六韻

南國文章伯聲名斗岱齊構梯曾月窟通籍已金閨列棘
聯芳署凌霄握紫泥急流能勇退深谷慙幽棲松菊開新
徑山川續舊題作巢謀燕翼丸藥聽鸞啼楚璧還留璞吳
鉤尚割犀墨花流宇宙釣竹拂虹霓丹漢心長切樵源路

不迷誕造當臘展浮蟻帶冰携繡紱纏鱗角龍門隘馬蹄
早梅官閣外新月畫樓西北海尊嫌淺南山勢覺位鳳毛
翻綠袖鶴氅照青藜 睿想聞當宁文星見聚奎蒲輪應
有名壽域者同躋

飲朱象岡宅

蕭蕭白髮映青袍一笑樽前慰久要酒戒湯從今日破客
愁多為故人消歌聲窈窕迴金縷詩思飄凌逼絳霄艤棹
江頭未應叢晚歸須趁月明潮

月夜與王仲山步垂虹橋適仲山子培門人踵至

足踏垂虹賞更奇翩翩群鳳忽來儀天空雲淨鶴歸晚月
白湖清龍卧遲司馬可無題柱手傳公應有濟川期瑤笙
縹緲來何處疑是緱仙度嶺時

賀趙四近病起

遙憐擁塞一秋眠忽報佳音喜欲顛明月喚回村鶴夢西
風吹散藥爐烟弓蛇已舞杯中影杖屨還逃醉裡禪江上
拒霜花正好約君同汎木蘭船

胡浚坡社過失迂寄謝短篇

五柳先生事逸淪翩翩忽杜貴衡門題來蕉葉墨痕在踏
破苔花馬跡存流水行雲應獨往西風落日正孤村黃龍
江上梅花月載酒須同醉一罇

遣興三首和浚坡韻

獨立雲間第一峰西風澤國亂芙蓉愁來白髮三千丈路
隔丹霄幾萬重擾擾乾坤多野馬茫茫烟寺又昏鐘習家
池上能容我日夕忘歸興自濃

十年往事成春夢賦得新詩掃石屏
腰裏花明吳苑道
琵琶月白楚江亭
千尋雪嶺吟
紫萬頃烟波釣竹青
自笑海鄉茅屋底
白頭終日誦騷經
北風吹酒葛巾斜
袖手憑闌送落霞
遠郭亭臺非舊主
隔江歌吹是誰家
蛟龍失兩三年旱
鵬鴉橫風萬里沙
莫笑狂夫成潦倒
每將長劍拂霜花

旅懷用韻

竹徑茅堂背郭斜
三年寂寂鎖烟霞
浮萍却笑天涯客
帶月頻歸夢裡家
碧蘚定侵琴案石
白鷗應占釣臺沙
何當更作柴桑主
依舊編籬種菊花

戴篁庭少梁昆玉見過有作

踏凍何人問孤竹
渡江驚報二龍來
耽詩自笑雕蟲技
作賦誰當倚馬才
兩世通家憐我老
百年幽抱為君開
多情况有梅花月
故向山窗落酒杯

盤龍寺樓晚眺

危樓獨立倚秋風
物色淒然四顧同
野燒烟飛荒隰外
民居星散夕陽中
三江寂莫魚龍冷
滿地蓬蒿鴈鴛空
南國可憐凋劫極
仗誰持此奏重瞳

贈凌石林

鶴髮石林愛考槃
東海隅才憐違世用
老不待人扶問竹
江頭寺尋梅雪後湖
碧霄翔二鳳
紫誥耀三吳

贈紫筠妓二首

湘妃出沒水雲中
翻入秦臺紫翠叢
欲借一枝栽鳳管
月明吹向廣寒宮

夜靜清音拂紫霄滿樓明月紫鸞簫嬌柔不學章臺柳只
向東風舞細腰

感舊和韻

十年飄蕩百花洲邂逅佳人話舊游不待琵琶彈夜月青
衫已自濕江州

送友北上

黃龍浦口潮初生吳淞江頭雪正晴梅花一枝贈君去天
北天南無限情

挽友人

十載成遠隔無由問起居相思常切恨此別又何如細雨
一庭草清風半榻書東芻何處吊東海舊茅廬

贈徐長谷

百里遙憐屈大賢拂衣爭羨早歸田雲中不見王喬舄海
上新迴范蠡船掃榻清風三徑竹卷簾香雨半池蓮秋湘
鱸膾魚蓴啖夜淪龍團帶月前射斗寒芒孤劍在脫塵秀
句萬人傳騷壇剩有過從地我願擦觥几席邊

謝朱夷白見過

歲晏江鄉客到稀勞君駐馬問柴扉谿山待賞寧無意草
木含欣盡有輝琴罷石牀林鳥寂烟飛茶竈竹風微相留
不住神隨往悵望天南一鶴歸

龍塘汎雪

潮湧冰翻渚風迴雪卷沙飛花隨客棹折竹是誰家斷岸
僵漁網平原沒兔置過橋沽酒去鳧鴈起蕙葭
雪夜宿蒲匯塘

水宿近寒汀寒威入夜增雪舟疑載月風酒欲生冰氣逼
山人褐光欺水市燈梨雲頻入夢擁被正曹騰

除夕

屠蘇吹不醒倚榭立東風天地交春始妻孥守歲同近人
松火暖送喜燭花紅四十年前事依稀似夢中

和荅劉尚書見寄

坦上閑居已十春遺安翻類鹿門人八山搃不嫌生客補
袞還應憶老臣白日神樓虹氣遠公所藏有神樓圖有春風丹穴鳳
毛新累朝翅笏猶無恙呵護須知有鬼神

寄雪竹馮山人

劉麟

仙語臨歧申復申少微星是坐中人公它詎重吾能友
郊老才高帝不臣臺省本非傾蓋故林塘住詫白頭新

相期不共中秋月只恐能傷夢裡神

賀戴少梁新娶

廣寒纔見舞霓裳又向藍橋醉玉漿楊柳月來羅帶緩桂
花風動繡幃香芳洲水暖睢鳩浴碧海雲深紫鳳翔好罄
丹心報明主有人調膳進高堂

飲虎山梅花下

東風送我雙吟屐踏破蒼苔與碧霞曲徑樵家穿細竹疎
簾僧舍隔梅花蕪天湖湧春光動帶鄣山迴地勢斜一度
登臨須一醉肯將象質負年華

登孫山

懸磴盤盤斷壁青群公此日似登瀛半空飛鳥峯頭度萬
里長江天際橫坐石有人吹鐵笛隔雲何處弄瑤笙頽然

一醉梅花下疑向羅浮卧月明

送王賓山還金陵省親

青春堪作伴客子心還家南浦王孫草北堂兒女花滄江
孤鴈遠細雨一帆斜遙憶承顏地衣裁五色霞

陳湖夜泊

薄莫兼生路孤征且暫停人烟香野飯漁火亂春星問酒
緣沙店維舟倚柳汀虬鬣吼深夜欹枕夢初醒

夜泊樓下

昔日樓安在樓名尚在茲人烟何索莫江水自逶迤夜犬
孤村靜春星四野垂坐看山月出一照轉淒其

登上方

白髮重來非故吾山靈識得野翁無丹青樓閣層層寺烟

雨帆檣渺渺湖深樹鳴春黃鳥亂長洲破暝白鷗孤闔閭
城外絲華地萬古天開一畫圖

江行值風用行船又被打頭風句為韻湯成七首

一棹滄江上千峰宿雨晴風光圖畫裡奇絕在茲行
寺迴峰尖出風高浪勢懸忘機得鷗鳥不避看山船
農談隔烟汀松琴出雲岫誤入桃花源却訝秦人又
丹閣飛山巔鮮霞閃鴉背川原縱遐觀草木春風被
甸麥搖青波江帆賽奔馬迴風海上來送浪船頭打
布袍寒自擁鎧酒醉還浮欲跨長鯨去滄江無盡頭
柳暗鶯聲細日高花霧空淹留愛山色遮莫石尤風

湯興和韻

碧山深處學逃名又見花開到紫荊却恠東風欺委巷春

來不送馬蹄聲

送華補菴戶部權九江

拜命聞君權九江清風先已過潯陽
搗詞定長龍門價駐廬山有龍門
節還增石鏡光石鏡二峯啼鳥送人春意鬧
落花隨路馬蹄香狂夫賸有登臨興
願附風翰萬里翔

送華元臯侍親之九江和陸五湖韻

遠侍星輅過楚州藹然和氣與雲游
山迎綵袖千峯喜江入青天九派流
好似仙槎浮碧漢更從何處覓瀛洲
承歡問寢君家事不是乘春汗漫遊

許野夜泊

旅泊江關口江寒歛夕暉商船燈影亂
誰閣漏聲稀天地心無礙湖山夢自飛
明晨報津吏莫問薜蘿衣

別王地卿方湖

短楫載芳春遙從此問津臺官今地主
野老亦王臣不詫三槐貴渾忘一劍貧
相辭出關去一笑墮綸巾

七寶泉

一道山中水蜚緣入窻長脉穿松壑
細聲帶竹風涼濺沫飛晴雪餘波落野塘
塵纓真可濯何必問滄浪

天池

小轆穿雲入風光似昔年花飛三月雨
池落半空泉竹裡僧厨淨峰頭佛殿懸
留題家高處濃墨照山川

一山卷

吳下山無數茲山秀獨鍾兩餘明紫翠雲外削芙蓉
海近常來鶴巖深有卧龍老夫方補屐欲上家高峰

並頭牡丹

奇葩傾國姿連理見還稀銅雀春深女瀟湘月下妃兩餘
如對泣風動欲交飛願載合懽酒相依花萼輝

荼蘼

一叢香雪殿韶華色相清妍自一家借問當時品評者海
棠何必嫁梅花

過雲居僧房和智學孔文谷韻

一徑逶迤入洞門亂雲堆裡得祗園錢塘封壤兼吳越石
壁文章半宋元疊嶂勢連臺殿迴萬松聲帶海濤喧老僧
相送下山去月出東林啼白猿

登武夷和王陽明韻

登登山路忽凌雲縹緲鸞笙天上聞滄海正來青鳥使紫

虛真見玉宸君千年宮觀丹青畫萬疊峰巒錦綉文漠漠
仙踪何處所一聲長嘯海烟分

觀魏王仙骨

仙翁化已遠何物落人間骨與山俱在魂隨鶴未還靈光
浮洞府紫氣動函關老眼摩挲久因之感鬢斑

疊山書院

孤忠氣不泯千載壯區寰遺像層霄上殘碑亂石間謝庭
餘玉樹楚國半青山落日悲風起松巢鶴未還

過藥師叢林

晨入叢林境披雲上石梯小危迎客吠幽鳥傷花啼雲擁
菩提樹紗籠宰相顛開山何歲月駐馬問闍黎

登龜山狀元亭和石川

采芳遙度綠蕪汀，復上龜峯舞轡停。
一壑烟霞仙子宅，千年山水醉翁亭。
是日歐陽大叅載酒空林鳥散花還落，斜日詩成酒
半醒。湖海浪遊慙白髮，又騎羸馬出巖扃。

訪李古源不值和韻

挾仙湖海縱遨遊，暫向池陽一繫舟。
湯拂雲霞到盤谷，苦無緣分識荊州。
山多爽氣簾常卷，竹有清風客自留。
更羨鳳鷄爭奮發，行看一躍撞烟樓。

謫仙樓

聞說騎鯨竟渺茫，飛樓猶自立鴻龐。
千年翰墨金鑾殿，萬古風流采石江。
剔蘚細摩巖畔碣，薦蘋涼帶竹根淙。
遙瞻宰木凌雲漢，逸氣緣知尚未降。

凌道山入

觀還宜春贈詩一首兼簡狄庶川

隔江飛雨濕帆檣，漠漠梅天五月涼。
碧水聯舟逢二妙，斜陽閣酒話同鄉。
百年湖海隨鷗汎，萬里雲霄看鳳翔。
更羨季方騰踏早，頡頏端合佐虞唐。

寄頡漱玉

憶別吳淞鴈正來，緘題剛及鴈初回。
青袍書劍雲霄近，白髮江湖歲月催。
彩鳳池頭春草白，靈椿堂上紫霞杯。
金臺自是招賢地，豈負當時郭隗才。

壽文衡山太史

內翰騷壇伯，脩齡八十霜。
風神渾少壯，鬚髮半蒼浪。
氣發山川秀，胸藏書傳香。
飛聲塞宇宙，高節傲侯王。
忽下徵求詔，榮膺著作郎。
功名聊染指，談笑謝垂裳。
千里駒難繫，三江鱸可湘。
白雲吟榻靜，滄海釣絲長。
夢想淮鸞鶴，從游挹

廟廊門無題鳳客宅有聚星堂貌古心逾曠季高道益昌
函闕橫紫氣南極動祥光志躋千年笛瑤池萬古觴野人
何以祝龍鶴俟門墻

訓胡後坡

江南有坡烟糲糊上有騷人吟鷓鴣高竹脩脩蒼雪墮長
松落落清陰敷韶光不與時流見門臨東海垂綸優鐵網
沉波已十年白頭終識珊瑚面

山妻六十

六十遲登我一年筋骸老健只依然燈懸夜雨寒操白槥
載春雲暖餉田兒女尚貽今日累糟糠深賴一生賢白頭
偕老真堪慰笑看桑榆落照邊

登上方塔

筋力老強老更癡每逢高處一攀躋千年寶刹超塵表萬
疊青山繞郭西花巖樓臺春氣重雲連鶴鶴海天位等閑
平地凌千仞始信層霄亦有梯

大石山

一別雲泉五六年雲泉風景只依然青山不厭重來客白
髮還酹未了緣閑啄鮮花松下鶴瘦扶筇竹病餘禪登臺
一望天垂暮落日千峯生紫烟

玄墓有感

棘刺藤梢舊路微霏霏嵐氣濕春衣青山草樹依然在紺
宇樓臺太半泐鶴下空庭何事舞禪隨飛錫幾時歸老僧
相對談興廢徒倚層闌悵落暉

天平山

懸梯接飛磴側足費攀援花日千峯麗松濤萬壑喧行雲
隨鶴斃飛鳥拂龍門再拜荒祠下難招范老魂

訪蘭谷上人

龍塘窈窕費幽尋花氣熏人不隔林滿架佛書風葉亂半
庭鶴跡雨苔深烟雲疊嶂吟邊景水月空潭定裏心一笑
相逢又相別夕陽踈竹亂啼禽

寄陸海城

花裡逢君別驚看又綠陰山空草夢足江閣鯉書沉玉洞
青芝潤丹房碧靄深高堂更無恙真慰故人心

無題五首和胡後坡韻

新愁復與舊愁兼瘦得腰肢轉覺纖擣練却嫌秋月白倚
樓翻恠晚風尖芙蓉入畫隨紈扇鸚鵡呼名傍繡簾當寧

只今輕粉黛西施且莫傲無鹽

應選當年入內家幾回秋月與春花苔封永巷金鋪澁風
入疎簾寶篆斜補頰何心求獺髓駐顏無地覓丹砂日長
庭院芭蕉動疑是長門影翠華

碧樹層層畫閣虛東風吹雨卷簾初不聞烏鵲填銀漢空
見蛛絲墮玉除滿院落花春幾許半牀明月夜何如班姬
謾道多文藻無限愁懷搃未書

寶鴨香銷畫漏稀憑闌脉脉動春思花含宿淚連朝雨柳
織新愁萬縷絲粉堞日斜鴉集早彩雲天遠鳳來遲海棠
不受江梅聘孤負東風第一枝

駕鶴仙人別洞房參辰萬里正相望摘花不插悲春色對
月無言拜夜香繞砌啼螿方泣露過樓征鴈又催霜長門

自與昭陽別敢把雙蛾較短長

遣興四首和荅陳杏山

落落閑窓秋水篇陰陰灌木午鳴蟬清風一枕千金直賣
與山人白日眠

閑庭一雨洗荒蕪滿座涼薰病欲蘇江海也餘安樂地打
門無吏夜催租

睡起山窓白日斜南風搖動紫薇花細臨古篆濡龍劑旋
汲深清瀹鳳茶

一曲滄浪護竹扉潮聲汨汨晚涼微綸竿拂水紅鱗躍野
艇穿雲白鳥飛

題扇和韻

落日西風緊長江萬里秋未迴青雀舫還戀白蘋洲草樹

季華變風波世態浮同心人不見離思正悠悠

送友北上和韻

江風灑面冷江水照人清火問漁家乞山隨客棹行橫空
孤鶴遠蹴浪野鷗輕笑指紅雲近逶迤見鳳城

喜雨

江南不雨連三月剛報秋來雨亦并色轉槁苗隨地綠水
生枯港帶潮平斜侵薜荔新涼意密灑芭蕉昨夜聲野老
抱憂今足慰晏然高枕卧茅衡

八月十五夜清谿翫月期友不至用衡山韻

放船邀月清谿上夜半酣歌載月歸沙鳥隔花驚短夢水
螢穿竹淡流輝霓裳影傷清樽落玉笛聲從碧漢飛湖上
美人期不到早寒先入薜蘿衣

尚湖汎月

蕭鼓中流散酣歌興轉豪月來湖面闊天近酒船高鯨飲
人頽玉龍吟水沸濤夜深猶未寢霜氣逼絺袍

雨中過雪窻禪房

冒雨來山寺呼童問道林開門黃葉亂掃榻白雲深竹響
諧清梵潭空照定心詩成磨石壁日暮吼鯨音

秋夜宿戴求巖梯雲樓與乃子步洲昆季聯榻

此夕高眠逼斗牛夢回疑在岳陽樓一牀明月姜肱被半
夜清霜晏子裘白髮交游忘按劍青年意氣欲橫秋登高
明日須同醉好把黃花插滿頭

同文衡山宴東禪寺清谿堂和彭隆池韻

雲影天光動碧踈幽期偏愜野堂虛白蓮湯續千年社金
馬曾揮五色書竹裡飛觴開酒禁鶴邊清嘯倚巢居谿頭
一笑仍相別回首千峯落照餘

與朱玉峯太宰李寓山侍御宴清谿堂用前韻

東林葉落野烟踈遙見群鴻下紫虛醉脫豸袍狂柱史風
吹鶴髮老尚書杯搖碧浪松花釀堂抱清谿水竹居廊廟
江湖兩忘地野人叨挹道風餘

宴彭清江騰蛟樓和璧間韻

江山留人人未歸登臨此日悵斜暉城陰木落寒聲動樓
上風高酒力微華髮凋零龍劍在美人迢遞鴈書稀黃花
寂是多情物猶剩寒香戀客衣

夜話劉久齋

曲几燈花落虛堂夜氣侵會難驚歲改話久覺杯深烽火

三邊警秋風萬戶砧芙蓉池上月偏照故人心

澱山寺

湖上前朝寺欹斜殿宇危披榛尋古徑剝蘚讀殘碑龍去
雲封洞蓮枯草湯池登臺思無限風物正凄其

和方改亭題朱氏山園

清泉兼白石茲土十分幽池館芙蓉月林皋鶴鶴秋風生
群壑樹雲吐半山樓更愛風流主過從不待留

過殊勝寺夢山禪房

艤棹禪關外幽尋半日留醉霜紅葉樹瞰水夕陽樓澤國
芙蓉晚湖田鴈鶩秋欲騎支道馬乘興問滄洲

郁古婁七十

閏九月初九生日

婁江浮碧帶茅堂玉舁飛嵐入壽觴七十流年仍甲子兩

番生日閨重陽來遲穴鳳猶含彩通得耐晚籬花不避霜
我願相期拾瑤草湯騎黃鵠竝翱翔

張裡齋園亭夜集和韻

官燭生花照鵲冠草亭幽傍玉峯寒城初擊柝人聲靜風
不鳴條鳥夢安坐久不知巖月墮詩成擬向竹林刊夜深
欲別還呼酒更把霜葩仔細看

江上懷止山

美人只在水雲中西望茫茫思不窮腸斷滄江秋色老芙
蓉花落鯉魚風

過陸弘齋山居

尋君十里過橫塘渡水經丘得草堂元亮有田歸栗里孔
明無事卧南陽病餘老鶴爭奇態霜後寒葩剩晚香信宿

相淹渾不倦江流欲與故情長

寄秋巖上人

寂寂空巖下無人問道林青天萬里錫明月一方心詩景
霜餘葉泉敲石上琴逃禪吾興在遙寄白雲深

周木沔園亭和韻二首

冥棲屏塵跡芳宴展林居笑語含清籟歌聲拂紫虛入簾
烟嶂疊度竹野雲疎不厭窺園客還來問仲舒

暫爾投簪紱蕭然池上居竹深沙徑窄雲去石林虛欲數
孫登嘯休嫌阮籍疎客懷何處寫還向此中舒

秋日與石川汎江

江上烟空淼雪濤滿江秋色壯遊遨海天飛雨征鴻斷野
渡吞潮畫鷁高隔渚芙蓉雲外朶酣霜卽索酒邊螯湯將

華髮酌清世不愧荷衣映錦袍鉦鼓動隨流水逝嘯歌直
遣螯龍逃風流無限滄洲興消得搗詞弄彩毫

通波道中

江上天垂暮征帆與鴈斜高林懸落日疎竹漏殘霞風葉
黃蘆渚烟蕪白鳥沙晚炊忙乞火隔水問漁家

崧宅曉發

短棹發崧宅柳蓬候曙光鷄聲寒帶月水氣白含霜江火
明沙店村春隴野塘鄰船如有約相逐渡微茫

過青岡看菊不值

十月蕭條江上村草堂泉石更精神寒香猶剩黃花在老
我重來白髮新竹葉放懷須盡醉鳳毛照眼不妨貧天涯
客子歸還未應夢山中有故人

止山新居

結構新成日菟裘將老心徑穿花塢曲堂俯碧湖深風暖
丘隅烏雲開天際岑何當造竹所携鶴復携琴

寄沈苓坡

憶昨青山裏幽尋得華陀別來驚歲改夢想入春多欲寄
梅花去其如驛使何刁圭應入妙到處說苓坡

江臯集卷五

江臯集卷六

雲間馮淮會東著

胡後坡見過蕪枉雪竹詩和荅四首

雪中有竹真不俗剡曲湘南思渺漫風動頻驚白鳳舞客
來多作早梅看曾無媚態供春色只有虛心受歲寒家是
千林搖落處數竿蒼玉自平安

水寒沙白江村路踏凍相過獨感君陶令清風真不減郢
人高調自殊群竹搖環珮鈞天樂雪點山川大地文今日
草堂平長價彩毫揮破萬重雲

江南歲晚成搖落雪與踈篁相闢清山部風高千葉亂海
天雲黑萬花明案頭無火堪開卷谿上垂竿豈釣名空谷
夜深枝折處似君詞賦作金聲

漠漠千山鳥不飛
竹林茅屋稱幽棲
冰花璨璨瑤瑤碎
烟葉重重翡翠齊
曲徑儘容東郭履
剛風應裂北人鞮
海那無數祁寒怨
欲挽羲和更轉西

題王地卿方湖壽親卷

父封鎮國將軍

矍鑠爭憐馬伏波
暮年丘壑興如何
堂開錦水穿花竹
宅倚青城遠薜蘿
閱世已誇躋壽域
洗兵曾賴挽天河
山中夜雨瓊芝淨
洞口春風玉樹多
烏帽自宜籠白髮
夕陽何待掣金戈
鳳毛方振雲霄上
時見封章落澗阿

夜宴朱象岡宅

德星千載聚今夜
落君家川嶽靈如許
文章爛有華茗香
聞茉莉花晚見山茶
錦障圍華屋銀燈護
絳紗朔風頻吼樹
凍雨半飛花古鼎熏
黃熟深杯灑紫霞
楸枰方一戰譙鼓已
三搥博塞呼盧急
摘詞醉筆斜交游
忘按劍離合感搏沙
一笑出門去長歌登海槎

元旦

滿目山川錦繡同
坐憐輝映白頭翁
登臨未了平生願
耕鑿還餘上古風
梅萼凍令殘雪白
墨痕香沁浣花紅
昇平有頌無由獻
遙拜垂裳紫氣中

與青岡夜話和韻

山堂展席延清夜
樺燭流輝照故人
忽湯相逢疑夢寐
只愁明發又參辰
忍寒試弄梅花月
取醉還傾竹葉春
滿座東風吹白髮
一回相見一回新

分得青龍江送劉子歸河南

東南一角何微茫
青龍江水連東洋
波濤日夕撼穹蒼
沆

漢集卷六
二
潏噴沫蛟螭歲烟蕪渺渺迷津梁花霧滿江吹暗香老我
送客移輕航把酒酣歌渾欲狂桃花流水隨劉郎青春作
伴歸故鄉鶯花一路迎帆檣東風嫋嫋飄菜裳千里遙持
紫霞觴照見白髮飛高堂登堂拜祝壽無疆汴城和氣敷
春陽東吳知舊應不忘勿令久間成參商嗟哉別意莫可
量青龍江水同悠長

彭止菴生挽詩二首

君家壽種自彭錢欲謝塵緣未有年已見清修能化俗便
令長往亦登仙湖頭載鶴林和靖雪裡騎驢孟浩然如此
風神誰貌得圖形那復羨凌烟

久憐賈志沒烟霞歲月無情鬢易華盤裡餘飡留首藉篋
中殘墨剩梅花祖善人生天地誰非客身到泉臺始是家

薤露先裁君莫訝暮年偏動故人嗟

壽封鈍菴和韻

扉屨荷衣不着塵乾坤別是一閑人貧憐鐵石心猶在老
覺詩書味受真丸藥聽鶯開小閣拂雲移竹過東鄰季來
報道生涯好遠屋杏花千樹春

三月六日雪

東風吹雪暗郊原飛亂楊花覺更絲出谷黃鸝驚玉樹歸
巢玄鳥失江村瑟瑟受凍渾無力桃李僵寒搃不言此日
春秋誰秉筆 聖人宵旰正臨軒

藥山卷

買得南山地新栽藥滿畦紺芽抽暮雨紅甲破春泥雞草
僮携錫聞香麻度谿氣含廬嶽秀名與董仙齊

沈氏集卷六
三
挽周山齋

滿城風雨落花天，讀罷招魂益黯然。山色已含千古恨，書香剛賴一孫傳。鶴鳴深院悲殘月，龍卧虛堂鎖暮烟。老我有琴彈不得，斷腸今絕伯牙絃。

和荅朱夷白見贈

源流泗水遠，堂抱九峯深。不售千金劍，常馳萬古心。竹風清午夢，蘿月淨秋襟。未造元卿徑，先聽对夜琴。

過朱竹南和韻

看竹南谿上，清風灑面來。門庭無俗轍，丘壑有遺才。小鳥穿雲去，餘花待客開。臨歧發長嘯，重上夕陽臺。

訪文衡山用見贈韻

接膝相看話許時，短簷雲影傍花移。照人霽月光何限，坐

我春風喜獨私。白練儘餘新染墨，碧桃猶有未開枝。仙居亦在繇華地，車馬紛紛恐未知。

再用韻寄衡山

焚魚謝免憶當時，白首青山竟不移。優老遙傳天子詔，懷賢深切野人私。松巢數報添鷓鶴，林壑應無汗玉枝。筆底江山更奇絕，肯將餘興寄相知。

夏日閑居用韻

琴書纔罷日斜時，小簟迎風晚更移。江上青山如有意，門前芳草却無私。竹含新粉留殘雨，蟬帶餘音過別枝。一段閑緣吾領略，朗吟遙寄白雲知。

畫牡丹和韻

畫裡看花惜未真，洛陽多似夢中春。魏家池館今何在，莫

向東風問主人

謝呂邑侯惠曆

遙傳霄漢頒新曆分得恩光貴草萊白髮展絨驚歲改柴
門方喜見春來陰陽有序璣中轉日月分明掌上開拜賜
野人慙莫報欲持杯水獻蘭臺

送李愚齋訓博之越

落日江亭酒正醺天涯極目悵離群青袍白髮孤舟客越
水吳山兩地分滿地春風書帶草半簾香雨墨池芹也知
才大難終屈行見徵書下五雲

方壺詩為碩汝修賦

海上三山連十洲方壺風槩勝且幽青霞白雲相掩映瑤
草琪樹無春秋金鰲負戴閱季久遷移不逐奔濤走上界

丹霄樓閣重下方白日蛟鼉吼虎頭之孫瀕海居少壯努
力攻詩書十季獻賦猶未達璧水留滯龍門魚東望仙山
多紫氣日夜神遊得仙意縹緲鸞笙雜鳳簫恍疑緱嶺浮
丘地狂夫自笑老更狂采真直欲凌蒼茫安得相期駕黃
鵠馭風與爾同翱翔

壽陸五湖太夫人

白日紉針夜績麻奉身曾不事奢華嶺生南澗雨餘葉萱
吐北堂春浚花令子不持毛義檄步鄰應接孟軻家白頭
喜有生孫慶笑捧鸚鵡樂未涯

寄封有竹

有竹人家水部西清風直與渭川齊琅玕影落石牀冷翡翠
叢深江閣低三徑通幽無俗轍東橋問訊有新題携琴

載酒真吾願何日相扳話阮嵇

和荅吳大參鐵巖二首

林下元來亦有官湯從江閣靜觀瀾峰頭沆瀣侵書幔海
上珊瑚拂釣竿落落雲霄丹闕迴陰陰松桂碧山寒相過
百里天垂暮艤棹吳門月滿灘

冠裳蕭散似無官揆翰時翻筆底瀾春到閑居花滿院夢
回高枕日三竿江湖烟水孤舟遠澗壑風泉六月寒珍重
篇章投野老虹光驚照白鷗灘

題喬水心香霞館

四面名花取次栽中央仙館向陽開池塘生草春多夢歌
舞留人月滿臺壓樹彩雲飛不散拂簷黃鳥去還來習家
風物真圖畫却笑山翁浪品裁

寄劉尚書

築逸老堂于峴山

坦上仙翁眉髮黃南星正照紫霞觴樓臺不起高官第丘
壑新開逸老堂落日卷簾山氣爽清秋放鶴海天長過從
我欲求丹訣浮玉湖須當繫野航

壽吳隱耕

鷓鴣冠鳩杖庶史裘鎮日看山百不憂擊壤有時歌里巷曳
裾無意謁王侯葡萄澗乳林頭酒稼穡連雲隴上秋 聖
代非熊當有兆請君珍重釣璜鉤

呈呂邑侯

拜命來天上承宣到海隅盤根呈利器展足試神駒德與
丘山重才誇翰墨孤瑤臺凝沆瀣鐵網貯珊瑚手握千金
劍胸吞萬頃湖琴堂宛單父塵甑范萊蕪苦節惟資蘘為

鞭只用蒲有人時擊壤無吏夜催租鄉里移澆俗黷宮造
碩儒當階鳴獨鶴戀闕走雙鳧縣遠花千樹門垂柳五株
棘棲鸞暫止庭教鯉頻趨每下南州榻曾還合浦珠問瘡
經委巷除弊入荒區望道心殊切憂民氣不蘓高名齊北
斗嘉績著東吳 天子懷賢佐即官抱壯圖行者來紫詔
飛步上雲衢

秋日水心西園小集

此日山中小宴開風流群彥共追陪鳥驚長嘯穿花去風
引清歌度竹來返照流輝明晚閣層巒倒影落秋杯淹留
况有芙蓉月扶醉還登池上臺

與吳吳江過童後江不值載菊而歸

十里清江帶白沙幽尋直造地仙家山中不放西湖鶴霜

後還餘老圃花鳥篆綠沉苔徑淺茶烟青起竹林斜出門
莫話空歸去載得秋香滿釣槎

與吳江過周思雲夜話

艤棹蘆花渚滄江深復深一杯風月酒四海弟兄心話久
燈花落霜高朔氣侵瘡痍滿天地按劍發長吟

和朱象岡別鶴詩

忽湯離群又隔季遙聞清唳益堪憐秋高海國天連水夜
冷江臯月照烟松下已無今日跡雲間空憶舊時綠山中
蕙帳清宵夢猶喚玄裳伴獨眠

碧梧池館和韻寄水心

水心亭館十分清天上樓臺一羽輕客醉每依涼榻卧鶴
來常伴白雲行秋聲入壑夜還碎月色到池寒更明老我

別來頻望想緘題湯爾寄幽情

挽諸守谷

天上文星昨夜無谷中驚報卧龍徂屋廬始慙韓京兆裘
褐終憐晏大夫江鶴不歸江月冷海翁何處海鷗孤從今
白戰誰勅敵袖手騷壇興味枯

新羽妓二首

翩翩小燕羽初齊拂水穿雲東復西昨夜不知何處宿滿
衣猶帶落花泥

湯逐東風試舞衣徘徊時傷柳邊迷王孫多少相思夢惱
殺秦樓月易低

和答顧婁東

花事驚看到紫荆鏡中華髮漸星星午窓夢覺風生枕夜

坐詩成月滿庭對竹枯禪忘食肉倚雲病鶴懶梳翎江臯
寤莫無人問駐馬勞君過草亭

和荅石川二首

萬卷詩書一草廬獨醒真類楚三閭看雲白日眠孤榻問
竹青山駕小車衰境自應投一劍故人時復遺雙魚年來
轉覺踈慵甚謾說王門可曳裾

澤國春光淡若秋長洲荻葉正颼颼雨滄腐麥千村苦風
卷殘花滿地愁西北烽烟催戰伐東南民力困誅求巖棲
自合離塵網萬古高風重許由

題水心咏臺

卜築滄溟右鑿池流水涯中央堪結構別自有桑麻雲外
犬迎客石邊人浣沙焦桐橫棊几畧徇偃枯槎屋引藤蘿

補墻牽薜荔遮樸能師上古靜可閱南華坐隱松陰淨行
吟鶴徑斜兩條垂檻曲風葉墮簷牙萍破魚吹浪苔深鳥
篆沙桃源新幻境鮫室舊鄰家竹迸堦前笋蓮開鏡裡花
鬪蘭明返照鳧渚暎飛霞浙米炊雲子烹茶滾露芽丹青
憲裡油鼓吹枕邊蛙謝句工春草盧書淡墨鴉時新蚊龍
豈池物霄漢路非賒

讀亭林寺碑

亭林千古寺碑碣闡幽光殘墨餘松雪高風重野王江山
自今古人事有興亡三歎出門去歸禽鳴夕陽

遊九峯九首

晉濟橋夜泊

駐楫石橋下暮江寒氣增山嵐蒸霧合海月隔雲升聲動

花村犬光搖水市燈詩成共誰語猛欲喚林僧

晨登天馬山石川餘峯有約不至

凌晨入古寺衣露滴松枝雲擁諸天閣苔荒二陸祠林深
鶯語細海闊鶴來遲不見豪吟侶空携謝朓詩

小志壁

八山遇一老瘦龐眉白髮脩然若神仙因
與話山中舊蹟款洽數刻甲子况與子同

亦奇事也

白髮同康愛家居志壁前相逢如舊識指點話林泉側足
緣蘿磴褰裳度石船老坡不復作遺却此山川

小崑山

山坳歲紺宇仙梵隔烟霞屋壓千年樹巖開四月花鳥銜
新熟果僧摘半青茶丞相墳何在披蓁日已斜

辰山

山深人不見，窈窕殿門開。野鹿和雲卧，林鐘度竹來。支筇頻坐石，呼酒復登臺。長嘯下山去，夕陽明紫苔。

機雲山

茲山非峻絕，自合冠群峯。氣槩因人勝，風光入夏濃。華亭空唳鶴，滄海久潛龍。落日蒼烟暮，懷賢意萬重。

佘山

並立雙余嶺，相輝兩梵宮。塔凌雲鳥外，人在畫圖中。秀叢千年氣，涼生萬壑風。衰遲艱步履，惱殺白頭翁。

過鍾賈山壽安寺觀嘉樹林

碧殿撐天迥，長林落照懸。泉聲諧好鳥，山色近枯禪。白日三千界，青松數百年。梅花解留客，持僧號欲結歲寒緣。

鳳凰山吊張東海墓

山落雲間地，嘉名得鳳凰。烟霞鍾秀氣，花木爛文章。問路逢樵子，扳蘿度石梁。西丘拜東海，宿莽帶斜陽。

吳鐵巖東堂雨宴

山堂展瑤席，野老喜過從。宿釀寒逾碧，玄談暮轉濃。花飛珠箔雨，子落鐵巖松。一醉仍相別，白雲遮萬峯。

觀海

海日曛曛海霧收，海城高處豁吟眸。江河遠近群流合，天地東南一角浮。壘浪奔騰來白馬，瀛洲縹緲見飛樓。狂歌一曲扶殘醉，欲跨鯨鰲汗漫遊。

壽陸晉川

英妙飛聲遠，科名繼世高。氣雄吞海嶽，詞古涉風騷。白日輝熊軾，清霜肅豸袍。能供中外職，不計轉遷勞。詔許歸田

里冥棲解佩刀耕雲春有雨釣月夜無濤江上銀鱸鱸樽
前紫鱗螯聽松眠水閣携鶴步林皋門左弧仍設鄉間杖
始探先生幾望月花散小春桃綺宴圍貂尾斑衣舞鳳毛
狂夫無以祝遙為一揮毫

病起謝吳雲樓

蕭蕭白髮映青藜家在龍江烟水西一脈源流傳季子千
年心法悟丹谿采芝玉洞穿雲去丸藥春風聽鳥啼起我
沉痾慙莫報涿毫聃復贈新題

四月十五日過蘭谷禪房

十里龍江道鷗波蕩酒船隔雲聞梵語入竹見癯禪紅愛
階前藥青看石上蓮居然愜幽賞湯爾謝塵緣

挽陸思豫

壯志凌雲苦未酌青年便作九京遊人間富貴空金谷天
上文章重玉樓桂影寂寥深院月萱花潦倒北堂秋而翁
地下須相見共說于今萬種愁

壽朱玉峯太宰

太宰聲名天下重投簪忽漫向滄洲高江不立中流柱落
日猶橫野渡舟巖壑夜涼龍抱月海天雲淨鶴鳴秋昨宵
翹首瞻南極正照玉峯峯上頭

壽杜次谷

婁曲散人年七十手栽花竹已成陰飛聲剩有凌雲賦抱
道終無銜玉心鶴髮鬢鬢草堂靜鳳毛輝映碧梧深紫簫
一曲千秋調遙寄浮丘明月岑

和荅張萬山見寄

解官歸故國棧水照郎星日落悲椿府苔荒泣鯉庭烏啼
斜月樹鶴吊白雲汀回首八閩遠萬山天際青

題唐雲山聽雨樓

一雨醒殘夢樓頭夜未央灑來窓紙密落入耳根涼颯沓
先秋至淋浪帶漏長詩懷亦踈豁呼燭坐藤牀

石川覆舟有詩見示和韻往慰

遙傳烏有一先生復見騷壇美墨兵波底乾坤元混沌眼
前日月更分明保完白璧光逾潤歸卧青山夢亦驚我信
胸中有丘壑謔從湖海結深盟

一棹風流老季真怒濤何事忽驚人探珠豈為尋淵客投
璧應知避水神世路險夷元自識塞翁得失與誰論病餘
我亦延殘息且闔山林見在身

石川疊韻再示和答

崩濤洶洶颶風生空說胸中有甲兵倒舵一時逢灩澦側
身何處望承明江神有道還能護沙鳥忘機也自鷺寄語
三餘老居士沼泉瀑石願同盟石川因自號
三餘居士
烟波釣叟一玄真陡作掀天浪裡人龍馬負圖何蹀躞珊
瑚脫網更精神清樽綠綺居然在廊廟江湖未足論過却
畏途成一笑回頭又是百年身

分咏琴鶴二首送呂邑侯入覲

宓子千古琴清音流單父侯能發餘音洋洋滿青浦閉閣
心絕塵垂簾日亭午落梅飛巖阿崩濤走江滸孤鶴鳴海
皋清猿嘯天姥鬼魅亦欣躍魚龍欲起舞山人洗耳根陽
春入林塢胡為裹錦囊遽出花封戶遥遥至玉京疇能接

其武願言奏虞廷南薰被遐土

我危風度清於鶴萬里翩翩來海角月俸何心戀斗筭雲
程有地還寥廓飄然一去何時來令人翹首瞻蓬萊傷心
此夜龍江上獨留明月照瑤臺

送戴少梁會試二首

年少飛騰獨羨君龍駒濯濯五花文緣知足力輕千里一
騁須空冀北群

黃龍江上雪初晴漫折梅花贈遠行我願梅花多結子國
家金鼎待調羹

寄顧小川內翰

海上羣君別驚看歲月移出塵憐野鶴對月憶瓊枝堂背
人何遠椿陰日正遲春來知有夢飛到鳳凰池

和荅朱夷白見寄

考槃人在海西涯澗有步瀕隰有麻四水波光天上下半
窓梅影月橫斜晝眠虛閣聞啼鳥暮倚長林送落霞欲掃
青山一片石共君趺坐讀南華

寄文衡山

別來無地覓雙魚極目長洲思有餘見說文章更蒼老不
知眠食近何如山中未枉蒲輪召天上還留玉牒書為報
海鄉多病客滿天風雪卧茅廬

題畫四首為范菊山

滿湖新漲綠溶溶畫舫輕颺得好風莫道浪遊歸去晚亂
山剛在夕陽中

鶴氅綸巾一杖藜桐君隨我過前谿賞音落落知何處雲

白山青鳥自啼

坐聽松聲沸夜濤不知涼露濕絺袍黃庭讀罷還歌嘯萬里青天海月高

歲莫蕭條風色寒有人携鶴步江干千巖萬壑皆冰雪愛殺梅花獨耐看

和荅馮雪齋見寄

手執黃庭一卷經白頭終日坐茅亭閑居湯續安仁賦陋室還書禹錫銘滿地光風新草碧半簾斜日暮山青遙憐一曲蒲塘水照見雲間處士星

戴少梁下第寄詩二首

戰罷春闈歸去來拂衣重上讀書臺緣知寶劍難輕售未放龍光逼上台

紅杏碧桃迷望眼落花啼鳥送歸人功名早晏尋常事天上元無兩樣春

賀顧方壺新居

一區新宅龍江曲風緊悠然近十洲百世虎頭餘舊澤卜季燕翼重嘉謀藥闌花徑鶯聲午清簟疎簾海氣秋昨夜東天虹貫月懸知高敞讀書樓

聞止山遷居寄詩二首

童州相知髡已絲中間離合竟難期禰衡自信才無敵李廣元來數亦奇隨水落花流別澗借風黃鳥上高枝相望又隔三江外江草江烟共陸離

江湖落魄共憐才不道風波起釣臺一望遠含愁色斷尺書遙帶淚痕來牛眠未卜山何在燕壘纔乾棟忽摧老我

不平空按劍苦無心力為君裁

和荅沈一吾

寂寞卧郊居勞君一扣扉杏花風正急茅屋燕初歸閣酒
日位樹出山雲滿衣江頭相送罷孤鶩帶霞飛

乞醢

君家解造桃花酸甕天五月紅泉寒欲遣甕甕分一勺澆
我山中藜覓盞

亂後雪齋見過

不憚艱危路相尋見古風江山兵火後人世亂離中草草
三杯酒蕭蕭兩鬢蓬臨歧意不盡擊鼓又江東

海鄉謠八首

南國頻年寇盜平倭奴恠戇忽縱橫巡江鎮海軍何在却

募田夫作水兵

水旱相仍歲荐荒海鄉民物正蒼黃須知餓死填溝壑猶
勝投身餒虎狼

遭兵雞犬無遺類被火鄉閭不斷烟茲土何辜犯髡赭茫
茫滄海却無天

紛紛群盜起江坳城市黃金向此消誰解纏腰騎鶴去怨
聲空託海門潮

伏莽投林隨地宿棄兒拋女顛天號繪圖誰把流亡獻萬
里皇高望轉高

空谷佳人只自憐受汗翻類出山泉也應不及投崖死可
獨當年竇氏賢

人載野船悲失所燕投林木怨無家不知縣令今何在燒

殺棠梨一樹花

兩月兵戈苦未休，死傷橫路血交流。
君王早遣千城將，海角生靈半髑髏。

懷海上諸友

島夷連月縱兵戈，星散其如故舊何。
亂世只今皆險道，有書何處問無它。
海邊城郭人烟少，天上風雲客氣多。
安得妖氛淨如掃，滿江明月共酣歌。

生朝有作

白髮野翁初度辰，兒孫拜舞祝長春。
一杯且醉生前酒，七尺猶存亂後身。
未卜壽藏翻自笑，漫刊詩草却忘貧。
年來不出青山去，覺得浮雲世態新。

歸震川下第有作奉和一首

屢戰文場白髮生，仍携書劍若為情。
王媵豈劣三千女，李廣還餘十萬兵。
雲護龍歸滄海窟，水流花出洛陽城。
東風不送凌雲賦，翹首相如為不平。

完金卷

不因生死易初心，誰謂人心有古今。
高義薄雲金似土，託金方信託交深。

遣兒堂成有作

卜得郊居陋自宜，託巢何必上林枝。
半生落魄吾空老，四十成家汝未遲。
整頓圖書仍插架，護持花竹早編籬。
朝耕暮讀隨緣過，會見河清海晏時。

沈守吾復歸亭浦故居和韻一首

秣載歸來亭浦涯，草堂元是隱侯家。
青山自戀當時主，玉

洞還開舊日花新壘泥香春晚燕短籬藤亂兩餘瓜菟裘
堪老今堪慰不向江湖感歲華

送高望梅節推赴部

偉哉清廟器滂爾列朱幡載道歌偏協三季讞不寬龍駒
難繫縛霄漢忽騰騫凋劫東南極條陳勿憚煩

海邑觀新城

雉堞逶迤龍浦邊相望恰與十洲連安排險固金湯勢保
障東南億萬年睥睨直窺雲外鳥麗譙位瞰海中天平東
况有將軍在遠近民居已晏然

甲寅元夕

落梅歌罷撤殘盃撫事難將老抱開萬馬直衝風雪去六
鼇翻駕島夷來沿江燈火皆莽燹近海樓臺半劫灰不為

皇家洗兵甲碧空雲漢自昭回

與張萬山夜話

罷釣烟波夕照殘忽驚鸞鶴下江干暮年求友相知少亂
世逢君一咲難談劍風生塵榻淨剪燈花落兩窻寒紛紛
兵甲何時定爭望東山起謝安

姚晉明朱象岡邗肅過草堂

客從海上來入門乃故知欲語語更咽遑遑却何之茲土
頌幽僻與爾聊棲遲嗟哉二三子照眼珊瑚枝當此刀槩
健安用毛錐為幸脫鬼門關滿引金屈卮勿咏谷中推勿
憂園中葵世運有定數不飲復奚疑

怡老園為朱小谿賦

為園稱令子親老且堪怡紫翠峰巒色縱橫玉樹枝虛巖

聞咲語清沼見鬚眉墮釣魚仍躍窺巢鳥欲移流觴隨水
曲舞袖拂花遲飛磴青雲杖長林白日棊竹風酣午夢蘿
月赴幽期總是延齡道毋煩問玉芝

江上寓目

江頭獨立倚青藜三月如秋思轉迷花送年華易零落燕
隨人事亦高位戈鋌潦倒殘兵泣衣食淒涼稚子啼望斷
頽波渾不返長洲落日草萋萋

客館承求巖數携茶果相慰

每勞觸暑問羈棲果榼茶爐手自携鞞鼓聲中強歌嘯亂
禽啼斷夕陽低

穴居

亂來無計可潛踪鑿土深居一窖中恠底乾坤忽混沌從

教日月自西東牛眠未卜千年地穴處聊傳上古風安得
凌空生兩翼弋人何敢慕冥鴻

和荅朱夷白

衰年悲汎梗亂世欲何之鷄犬蒼黃日川原慘烈時雨簷
花臥久風樹鳥歸遲莫問馮驩劍防身亦自危

客中生朝荅夷白

天涯逢此日不似去年春江海無餘地風塵一老身壽多
翻取累道在不妨貧得酒須為樂從教白髮新

歸自郡城有作兼簡諸友

不慣居城市還山逸興多小堂添燕壘荒徑長藤蘿入竹
掃吟榻臨流理釣蓑天南人已遠其奈月明何

承張西谷見訪賦此以謝

城市有山林，翛然曠世心。清風勞枉駕，高論欲披襟。句裡
天真趣，琴中太古音。別來馳望想，西谷白雲深。

讀莊小山詩

讀罷小山詩，臨風動遠思。悠然陶令趣，儼若郢人詞。積玉
森玄圃，紅蓮映碧漪。騷壇未能謁，先欲建降旗。

挽唐詠江

一棺殊土沒，秦蕪觀化翻。從此日徂夢，斷風塵猶瀕洞老。
來軒冕亦泥塗，山中不放林逋鶴。湖上空傳范蠡圖，我有
瓣香何處拜。亂雲飛盡碧峰孤。

寄范中方僉憲

白首神交二十年，每於詩社見高篇。官梅東閣興不淺，春
草西堂夢自偏。鶴唳遠含滄海月，鳳吟多在彩雲天。無緣

一識韓京兆，笑却推敲賈浪仙。

挽顧東川

一官京邸十年過，乞得歸來奈老何。抱病所須惟藥餌，求
安無策定干戈。山中忽報玉枝折，道上遙傳蒿里歌。接地
浮雲迷故國，湍川黃葉送頽波。南州耆舊摧殘甚，四海交
游涕淚多。存歿似公真不愧，鳳毛聯翥上鑾坡。

求巖有中秋枉顧之約弗果對月悵然賦此

有約人何處，月光空自流。兩鄉同一照，此夜各中秋。畫楫
誰橫渚，長吟獨倚樓。忽聞南鴈過，遙寄一緘愁。

十六夜疊韻再簡求巖

世道何如此，悲歌淚欲流。東夷方犯境，北塞又防秋。鬻發
風千里，淒涼月滿樓。相知不相見，兩地一般愁。

簡少梁和韻

青山招得主人歸，跡難容與世違。目斷紫雲頻北望，夢隨烏鵲又南飛。論交有戴還堪訪，避亂無劉更可依。為報衰翁轉蕭颯，西風吹裂芟荷衣。

再用韻簡朱少玄

風塵滿道欲何歸，老去求安與願違。司馬不來空悵望，樵蟲豈料亦拚飛。江湖舊雨今何在，木石深山且自依。遙憶廣寒明月夜，有人憂國淚沾衣。

和韻簡莫中江憲副

萬家烟火晨星散，落日荒涼雁鷺愁。村巷有花空自好，野田無黍若為秋。颶風四起海波立，鞞鼓一聲天地浮。欲向中江借舟楫，將家湯作五湖遊。

所藏文太史翰墨被倭兵掠去殊為悵然

鉅公詞翰珍藏久，誤落風塵忽變移。月露連篇摠烏有，龍蛇滿卷却何之。蘭亭莫保千季帖，薦福難留萬古碑。望斷東溟不復返，茫茫煙浪接天涯。

侯復吾沈守吾周明湖携酒饌見過

讀罷離騷臥空谷，登然有客入山來。一秋好景花還在，十月如春菜有臺。下榻更逢留客雨，談兵欲掃污人埃。莫教易盡山陰興，須信難同亂後杯。

感事用前韻簡復吾守吾明湖三友

世亂年侵當此日，不容愁不上眉。來啼飢落日，千門淚戰敗西風。四野臺漫發悲歌，振天地懶將長劍拂塵埃。衰翁潦倒空皮骨，斷送餘生酒一杯。

壽胡後坡八十

神仙標格古人風回首功名已夢中
五斗莫淹彭澤令一竿今學渭川翁
扶筇倚鶴形偏瘦策蹇看山句轉工
亂後無因探高跡傳來只在灤西東

喜雪用舊韻

剽風獵獵歲華闌攪亂冰花萬里漫
松院巢寒蓬島鶴竹爐湯暖玉堂官
山中樵徑和雲掃江上漁簑入画看
臺閣陰陽真有序君王宵旰一時寬

和董紫岡苕谿客夜二首

湖陰小閣獨憑闌露濕絺袍生夜寒
避寇每憐為客久洗兵空歎挽河難
涼颯動地秋偏早沴氣橫空月易殘
一曲商歌羣籟寂更將長劍拂塵看

憶昨酣歌興未闌異鄉無地可追歡
年來花月真如夢亂後湖山不耐看
白社舊游俱散盡朱顏此夜欲凋殘
誰家忽弄山陽笛添得離人思渺漫

乙卯歲七十自述十首

古來希七十吾已到希年人有倘來壽
世無長在仙買山防送老投社欲逃禪
說與兒孫道好畊方寸田

家住三江上茅茨不數間燕毛叨左席
竹色映南山采藥常防病修琴不耐閑
有時呼白鳥相與弄潺湲

長瘦非關病全疎半似癡出門東郭履
款客太丘糜冰雪巖松性風煙海鶴姿
塵緣都謝却惟有白雲知

不稂仍不莠流落大江南豈解謀三窟
常愁育五男慕心先集苦攬味始回甘
懶慢年來甚朝朝晏臥酣

於時無寸補閱世一何迂貌陋憐駿茂詩窮笑聖俞題名
半巖壑飛夢只江湖幸不沾微祿終身不受拘
手持桃竹杖身挂薜蘿衣四壁乃徒立五絃常自揮兩香
琪樹濕雲暖玉芝肥磻戶晚不閉一雙鷗正歸
老去誰無病那堪眊聵并人全資耳目吾已失聰明門外
自春色枕邊無雨聲謗勞人問訊木石寄餘生
年氣遭世亂况味却何如已悟三生後聊存萬死餘閉門
修野史教子讀兵書但願風濤息滄江復釣魚
數竿脩竹裏臥起一青藜坦上尚書讀江東學士題舍光
憐海蚌照影惜山雞吾分粒應爾猖狂從阮嵇
老至不自覺翻於鏡裡猜朱顏何所去華髮任渠來野蔓
牽書屋沙鷗護釣臺黃齋三百甕猶喜未曾開

壽石川七十

宦海歸來早見幾此心元與赤松期遙騎白鹿深山去不
為銀臺好爵縻泉石有緣仍舊主池塘無夢不新詩飄蓬
忽邁中原亂憂國應添兩髻絲書畫滿船猶在否樓臺經
火惜無遺公家在邑城東甲寅逢人且進杯中物閱世從
歲悉被倭兵焚劫來局面棊甲子偶同憐我老白頭相與受君知三季風雨
聯牀夜千里江山並載時隔絕每驚今日變緬懷迄切故
人私春來未遂長春祝湯注梅花第一枝

謝戴求巖惠布

吳下年侵杼軸空忽驚新織到山中直饒淵客鮫綃價遙
贈雲巖鶴髮翁紗淨已經溪女浣手寒多費玉人工裁成
野服真堪慰縞素還餘上古風

和中江園居之作

山川迤邐鶴城連，中有芳園更奪鮮。
叢竹走鞭三徑轉，孤峰落影半空懸。
看雲水閣心無礙，下子楸枰思獨玄。
我欲相過拾瑤草，恐驚丹壑老龍眠。

贈顧九山大參

薇省歸來髯未皤，草堂開近碧山阿。
一庭細雨蒼苔淨，滿地清風玉樹多。
魚鳥相忘成野逸，亭臺倒影入池波。
談經每欲尋楊子，未解玄文柰老何。

和鳳峰園居二首

選勝為園挹曲谿，一塵飛不到蘿衣。
沙鷗對客如相識，野蔓延牆得所依。
白髮每勞當宁想，青山不放主人違。
嘗泉品石成真味，轉覺人間萬事非。

何處青山可卜居，鳳凰山下結茅廬。
園無隙地俱栽竹，囊有餘金只買書。
萬里碧空秋放鶴，滿船明月夜歸漁。
老來世故皆身外，白日琴尊想未疎。

和少梁道院秋夕韻

東溟月出散蒼烟，直湧金波到酒邊。
松院鶴歸秋影動，石池龍吐夜光圓。
澆毫香滴花梢露，煮茗涼分竹裡泉。
恨殺風塵滿吳越，遨遊何處挾飛仙。

挽陳雪蓬

黃龍江冷夕陽西，忽報元龍蝶夢迷。
白璧可怜空待價，青雲誰道竟無梯。
滿蓬風雪人何在，一壑烟霞鳥自啼。
我有瓣香來不易，風塵漠漠海天低。

挽陳杏山

聞說元方已蓋棺季方尋復夢槐安疲癯遍野今無賴故
舊如沙不可搏半榻埃塵詩草暗滿山風雨杏花寒白頭
病客遲來吊東望龍江淚不乾

刻稿完喜而有作用呈同志

詩草刪餘五百篇刻來字字淨堪怜莫愁天下無知己但
恐兒孫不直錢孤鶴煙雲湖水曲蹇驢風雪灞橋邊吟魔
自落清寒地怪得山林味索然

入梓篇章免陸沈敢求延譽到儒林長留天地非吾願滿
載江山且此心殘雪野田寒雀噪西風荒草候虫吟品裁
還仗騷壇伯一字榮褒拉萬金

望峰詩為新安楊上舍賦

孤峯只在白雲鄉極目遙瞻思渺茫紫翠獨憐遺色相烟
嵐時復見羹墻間窓補屐誰春雨虛閣鈎簾自夕陽客路
幾回歌陟屺不禁風木動悲涼

贈汪雲洲上舍

壁水英聲到處聞相過得挹紫蘭芬文章豈限千金直胸
次應吞五色雲寶劍通神猶斂鐔龍駒展足定空羣一竿
滄海吾衰老愧乏珊瑚贈與君

江臯遺稿

雲間馮淮會東著

寄顧篠澳舍人

一別三千里茫茫又十季白頭今老子多病一枯禪金關
曉鐘馬鳳池春草篇雲泥真隔絕欲見苦無緣

山妻七十

吾登七十已叨先介復相仍豈偶然醉後莫辭雙壽酒亂
餘重結百季緣支持中饋思平日倚託終身愧所天同穴
舊盟應不負青山何處卜牛眠

沈鳳峯山中漫成

避亂逢今日桃源何處尋那知到城郭亦自有山林三徑
元卿竹一牀中散琴焚苔宜鹿卧清沼見魚沈采藥還呼

鶴揮鋤不取金，氣霑蘭室化。居賴鵲巢深，久客羞彈鋏。新涼喜盍簪，考槃清澗曲。展簾碧桐陰，觴咏渾忘倦。風塵了不侵，海邊烽火息。江上凱歌音，忽動懷歸念。因成悵別吟，相看各無語。落日照蘿襟。

八月十五夜對月

露坐中庭生夜涼，夜深水氣濕衣裳。青天鏡落千門影，滄海珠流萬里光。砧杵相望寒信早，關山迢遞笛聲長。嫦娥定下層霄淚，照見東南半苑傷。

九日

歲歲悲秋老去偏，且憑杯酒弄風烟。添來白髮三千丈，看過黃花七十季。搖落山川兵火後，逃亾民舍夕陽邊。強扶筋力登高處，禁得傷心滿目前。

喬水心讀書天馬山中

緗帙牙籤載滿車，穿雲透入野僧廬。清風展榻蘿窓淨，白日翻經草閣虛。豹隱定增天馬價，龍光直射斗牛墟。碧紗籠裡驚人句，謾向蒼苔石上書。

立春前二日送潘蘅渚赴南都

梅花折得半開枝，遥贈潘郎上帝畿。南浦又為千里別，東風先送一帆飛。滿江虹月書無價，拂水星辰劍有輝。八座庭闈春酒五雲深，處待斑衣。

小川方壺篠澳昆季邀賞玉蘭于玉泓館

玉泓東畔玉蘭發，素質清芬獨擅奇。雲母屏虛來月早，水晶宮冷得春遲。連枝花萼相輝日，四顧山川長價時。倒著接離堪咲我，東風長醉習家池。

送潘克菴起居尚書公于南都

遠上南都匹馬馳，清秋作伴共稱宜。
九重雨露方深日，八座庭闈未老時。
天上綵衣明玉帶，日邊霞帔暎瓊枝。
東春家慶還期拜，金榜龍頭讓阿誰。

送顧龍山復赴建陽

紫宸朝罷即南歸，又作南遊悵遠違。
五鳳已成千里隔，雙鳧還向八閩飛。
棟花風側烏紗帽，荇菜香薰白苧衣。
此去棠陰應暫憇，碧霄花萼待相輝。

謝顧篠澳惠盆菊

分得籬花近竹陰，惜花無耐入秋深。
勤將水澆朝朝事，只恐霜飛夜夜心。
莫咲清樽無綠酒，且誇白屋有黃金。
却怜不照衰翁眼，暗覺香來也自吟。

謝朱文泉惠羶靴

皂羶翻作皂皮看，足受便宜軟更寬。
步入兩苔偏把滑，踏殘冰雪不知寒。
休誇上客新珠履，雅稱衰翁舊鶻冠。
珍重感君持贈我，却憐行路老來難。

生壙三首

不費買山錢，東莊地自偏。
未諳泉下路，先鑿洞中天。
老兔窺隣穴，潛龍待伴眠。
也知陵谷變，何敢必千年。

吾老作歸計，佳城何處尋。
江山三尺土，天地百年心。
人世有生滅，烟霞無古今。
未爲華表鶴，勿鼓雍門琴。

浮生本無着，送老且江村。
自分同織芥，何堪裂厚坤。
春蠶方作覘，秋葉竟歸根。
祇盡吾餘日，那能保子孫。

顧小川內翰昆季見過

君家伯仲捲超塵下馬空山不厭貧天上烟花鳳池客竹
間風雪草廬人相知豈為青雲隔一見偏憐白髮新只恐
江頭重分手綠波芳草共傷神

姚晉明顧龍海秦鳳樓約過草堂不至

故人有約過滄洲白髮無翁日倚樓夜月正懸高士榻春
潮不送剡溪舟牀琴更待何人賞斗酒空勞與婦謀鶴在
層霄招不下海天東望思悠悠

杜鵑花

四月杜鵑花欲然分明啼血灑風烟枝頭昨夜三更月定
照芳魂到蜀川

和董紫岡移居城南二首與楊南溟為隣

選得城南勝何妨易地居偶依楊子宅好課阿符書壯氣

吳鈞在新篇蜀錦如欲來相問訊苦恨出無車
新遷如遠客隣並不知名避亂還來此柅源豈在城幾家
能種竹隨處有流鶯戀戀常為侶青山却有情

贈秦鳳樓

愛尔當年折桂人雋林早已發英芬神較豈是池中物天
馬須空冀北群詩思滿塘生碧草黑花浮水散春雲漢家
樓閣賢才地五鳳能修合讓君

寄朱文石司業二首

東山花發舊薔薇忽報先生賦式微蕉鹿喚回千古夢尊
罍招得幾人歸橫琴對鶴月當戶送客出山雲滿衣江上
秋來多秀句無人不說謝玄暉

浮世功名等一漚且將風月弄滄洲人間詎有截舟壑塞

上原無失馬憂十里尊香秋水棹半簾山氣夕陽樓牀頭
剩得吳鉤在莫放龍光犯斗牛

和朱象岡江南二首

移家拙是避兵人雞犬村墟窅不聞毒霧幾朝迷大海長
星連夜出層雲變成天地腥羶氣浼盡山川錦繡文安得
悠然坐林麓紫烟衣上日氤氳

極目中原起嘆嗒烽烟黯黯一何賒春來滿地白毛短風

送過江紅雨斜壬子歲地生白毛馬上漢兵多老袖海邊倭

陣有長蛇只今南國軍儲乏那復唱籌量夜沙

來鶴和顧條澳韻

有鶴有鶴真奇哉忽落山中驚復猜幾番握粟招不下此
日飄然何處來夜半長鳴沸滄海月明孤影翻瑤臺懸知

欲駕鳳池客五雲縹緲登蓬萊

莫中江覽輝樓

鳳凰山上鳳凰樓縹緲如翬勢欲浮梧竹影隨紅日動簫
韶聲帶彩雲流窓含西郭千峯雨簾捲東溟萬里秋天
子舜文今在上文明先啓自南州

題顧方壺芸閣校書圖

快閣龍江上芸香四座餘入簾蓬島色克棟鄴侯書夜雨
分藜火春風走白魚少微星見處偏照水雲居

移居

移家百里渡江津半篋殘書一老身東海又為彈劔客西
山誰是采薇人故廬草合龍塘遠高棟泥香燕壘新謾道
珊瑚無覓處釣竿今已脫風塵

移居次日潘完齋招飲園亭

夏木陰陰片雨餘，遷鶯此日意何如？
誰言王子居無竹，自咲馮驩食有魚。
戀客青山光可掬，留題白石淨堪書。
習池自是風流地，擬約頻來駕小車。

送陸承道北上

片帆飛出大江東，遙指紅雲繞漢宮。
買駿極知酬郭隗，乘繻今復見終童。
香吹桂子風千里，涼送蘋花雨半篷。
年少勛名須努力，侍郎衣鉢舊家風。

早秋感懷四首

日日閒凭海上樓，西風吹髮早驚秋。
飄零有分為孤客，干謁無書到五侯。
吟苦每貽時俗咲，子多翻抱暮年憂。
江湖堪老知何處，欲買滄洲問白鷗。

僦屋滄江深復深，開門惟許月華臨。
百年天地孤筇在，四海交游尺素沉。
客久且餐蒼耳飯，家貧不賣紫瓊琴。
行歌獨愛樵薪者，五月披裘不取金。

半生踪跡類飄蓬，得失何須論楚弓。
囊底寂寥無物長，鏡中衰颯有人同。
庭餘落照明秋葉，門掩西風語候蟲。
滿地離愁消不得，欲從仙子駕冥鴻。

旅食還餘首着盤，敢將長鋏向人彈。
江邊花竹家何在，笛裡關山月自寒。
南越烽烟猶荊楚，東吳民物正摧殘。
野人徒切憂時念，潦倒餘生一釣竿。

謝張須野中丞惠印竹杖

萬里歸滇海，扶衰贈此君。
清姿含玉潤，錯節見龍文。
深入江臯雪，斜拖澗壑雲。
吾今資爾力，來往莫離羣。

輓戴求巖

白髮相知廿載餘一朝長別意何如空將此日思君淚灑
向平生寄我書滿地白雲茶竈冷半樓明月石牀虛江臯
歲晚多冰雪問竹何人過草廬

輓朱竹溪

誰云異姓無兄弟自信通家寔勝緣羌長一年憐我老忽
成長往惜君先入山無復聯吟榻問竹今誰駐酒船腸斷
吳淞江上路茫茫荒草接寒烟

和篠澳月下梨花二首

滿院梨花月亦香月明花白夜茫茫嫦娥似忌同顏色又
向雕闌照海棠

東城月上花相照西郭春深雪未消夜半不禁風露重玉

人衫袖濕鮫綃

登真武臺

獨立仙臺酒半醒滿城花霧正冥冥登樓老子元無約鎮
海玄君信有靈落日恍疑環珮響乘風欲躡鳳凰翎出門
東望無何有飛盡白雲天自青

田莊初夏和王酉室韻二首

戴勝翩翩若有情麥秋天氣麥風清悠悠牧笛雲中度索
索縲車樹底鳴鳧傷草眠沙正暖豈和蠶熟雨初晴風塵
回首京華地端合江南老此生

官稅先償不受羈為農安樂占便宜潮田下穀車平水林
屋團雲樹作籬蠶到三眠桑葉盡鶯來並坐柳條垂共言
節候今年早莫遣兒孫插蒔遲

潘筮江尚書有詩枉贈用韻奉訓

雲連槐棘尚書省地擁江山建業形祇有丹心傾日月了
無私謁到門庭玉枝不出千年汗龍馬能鍾百代靈早晚
即看遷近侍未應南國滯文星

遣懷用前韻

獨對青山聊隱几相依野鶴自忘形魚書寄莫人千里鳥
篆縱橫蘇一庭寸薄儘拚詩有債眼昏翻恠藥無靈十年
不拂牀頭劍恐使寒芒犯斗星

須野見示檀冠之什奉訓二首

檀冠冠首清於玉突兀爭疑獬豸形每帶嵐光明紫壑似
含霜氣立彤庭元無駕鶴驂鸞意剩有衝天戴日靈進德
尚圖酬 聖主判教華髮自星星

入山製得新冠子試着脩然稱鶴形清曉拂塵登雪頂晚
涼睇髮挂松庭藍田豈待旁人整鐵柱還餘舊日靈却咲
四明狂學士千秋觀下禮寒星

須野園居二首

鑑止

水與心俱靜相涵趣不窮風濤到江盡潢潦入秋空照見
丘隅鳥飛來磐上鴻方塘開一鑑真似紫陽翁

懶石坡

坡頭有石懶於我背巖長伴閒雲卧不驚風過落花深不
知筍出蒼苔破甯生去速喚不應歌成白石無人和

溺海全生卷為蓉江張紀善題

駕浪乘風與世違眼前天地已全非爭傳李白騎鯨去却

似丁仙化鶴歸
先生何處訪蓬萊
失脚滄溟往復回
應是聖人今在上
負圖龍馬出河來

堂成二首

堂成今已罷
誅茅坐對春風酒
一瓢且喜青山堪避俗
敢云黃鳥得遷喬
入簾海氣風烟地
拂座江聲早暮潮
但願安閒無個事
不妨華髮老清朝
謾說山居是隱淪
城陰喜亦遠塵氛
滿樓書畫還饒月
澆檻池塘不礙雲
花護短扉無鳳字
苔封孤劍有龍文
獨憐老眼昏花甚
淚盡羊家白練裙

新居二首奉謝諸君子

行囊羞澁一錢無
買得城陰宅一區
江海此時銷旅况
乾

坤何處謝詩逋
庭餘草色春猶淺
隣有梅花竹不孤
杜老若非王錄事
草堂何以築成都
亂餘身世覺飄搖
此日安居感舊交
三匝自應忘鵲繞
一枝聊復定鷓巢
得分隣竹和烟篠
待長庭梧挂月梢
謾道故園何處所
向來無夢到西郊

歸震川見過

烽烟阻絕十年餘
忽得清光照草廬
一咲恍疑今夕夢
相期猶憶往時書
丰姿不減江梅瘦
骨相元同野鶴疎
明日翱翔應萬里
仙蹤豈合混樵漁

四月廿日過須野晚林二首

策蹇東園一扣門
滿園風色正清溫
客來半餉鳥還窈
春去許時花更繁
返照入林明杖屨
流淙穿竹淨琴樽
酒酣

賸有濡毫興恐把丹霞汗墨痕
棟花風急掩柴門坐愛臨流石漸溫
鳥雀向人如有喜條
枚經雨一何繁江分碧水翻茶鼎
竹漏青天落酒尊一曲
狂歌下山去芒屨踏破紫苔痕

生朝疊韻二首

洞口雲深不置門
鹿眠荒蘚蘚長溫
虛庭洗竹憐陰薄
老眼看書厭字繁
身病極知閒是福
家貧且以道爲尊
獨醒已謝高陽侶
怕見衣裳舊酒痕

終朝晏卧不開門
日晏茶爐火乍溫
豈有華花還入夢
漫將詩草一刪繁
青氈已詫家中舊
白髮今叨席上尊
在世莫言無寸補
江山到處有題痕

大司空笠江遷北京大司空寇賦詩送之

海國揚帆不問津
廟堂虛席待何人
河中濯濯千年馬
天上翹翹獨角麟
畫省才華千氣象
丹霄步履動星辰
滿朝盡道秋官好
萬里清秋月正新

聞朱五山吹簫

甬龍浦濱桂花香
裡正秋分初疑黃
鳥在喬木却
馬斷雲低逐水流
何宛轉輕隨烟起
亦氤氳相期
丘伯留取清音月下聞

每員外湖紉之惠二首

白雲還剪下林皋
蠶憐海國平來熟
絲

無紈綺態敝裘
猶剩鷓鴣毛
感君
岳報木桃

已明不受塵織
出定由天上女着

綃綃淨未愛團花獸錦新寒暖

陽春

朝兼簡同行周青嶼

又見朝天轉鳳陽自鳳陽陵進香還祖千里清

江涼雨濕帆檣草堂寄我賞頻到霄漢思君

並載遙憐周茂叔滿船風月費篇章

春日抵暮沈向章董紫岡朱象岡見過

序疾如流又向東風感白頭泚氣與雲浮海甸故

人和月到江樓香侵臘釀梅花早綠薦春盞菜甲柔新歲

未能酬一咲呼兒還典鷓鴣裘

和須野九日登城樓

暮年扶病一登樓風物淒淒強自謳白髮又添今日雪黃

花不似去季秋平田淼接三江水孤鶩寒蕪數點鷗泰運
東南應有待且將新酒破新愁

喜遷兒得子

吾見此孫將八十汝生此子五旬過莫言遺業田園少猶

篋笥多來早來遲無足訴聞詩聞禮看如何傳家

女久可是相仍只釣簑

鳳樓新遷侍御寄賀

未乾獨持風裁立朝端葵心向日層霄近鐵

甲定為明主重諫章不許別人看濟

恩波似海寬

知益飄零鵬從北徙滄溟迴劍

水部滿江春色到金陵上林

層

扇兼示佳什奉謝一首

云帶仁風到草堂潤澤尚含中谷雨動
源試裁野服炎埃淨滿握金星白日黃况有
不得每驚飛出海虹長

分岡四十生朝有詩和韻以贈

月並分明標格魁梧詫尔生謾道驂騑非汗血共
誇詔賦有金聲投深井輅留賓意探盡囊儲教子情暇日
登臨渾不倦御峯相送復相迎

悶坐

雙目無光十載餘漫漫長夜却何如敢云末路同張籍恨

不東門學伍胥無藥可醫兼老病有燈難讀古今書何當
一片清秋月萬里浮雲掃碧虛

甲子四月十

喜一首

追兒復舉一孫老後錫孫兩暮志

屢音搃不殊何業可傳叨大父有
仕風塵外塗抹行看少長俱東望
柳珊瑚

塵擲幾春秋歸依有婦還同室拜
占酬見在却憑何業繼前脩人生

洲

而有作

右尚無聞東南自古多佳士
獎
魏野鶴新題華扁照江雲
聖

畫一獻芹



